

LESWAO LA MODIMO

1 ...?...feela mohuta wa fešene ya kgale wo re bego re tlwaetše go ba le wona mengwaga ye mentši ya go feta, gomme re leboga kudu ka wona. Gomme ke leboga moopelo wo wa tlaleletšo, moopelo wohle, le ye ya go ikgetha. “Ge ke sepetše maele wa mafelelo wa tsela, go khutša go tswaleleng ga letšatši.” Ke moo, mohlomongwe, ba nno dula fa, ge ba be ba e opela, ba lebeletše ntle le go bona letšatši bjalo ka ge le dikela; dinonyana tšohle di opela fase le ka boleta, tšohle di kgauswi le go fela bjale gomme di ile ka gare go khutša, gosasa mosong go tsoga bakeng sa letšatši le leswa.

2 Gomme ke ka tsela ye go lego ka bophelo; matšatši a go šoma ka pela a feta kgauswi, gomme re robala fase godimo ga sofa ya rena. Ke rata go bolela le Yena letšatši leo, go no bolela le Yena. Go kgoboketše diaparo tša ka go ntikologa, le go tsena ka kamoreng.

3 Go tsebeng se, boka Mokgethwa Paulo wa kgale a boletše, “Ke Mo tseba ka Maatleng a tsogo ya Gagwe.” Gore, ge A bitša ntle go tšwa magareng ga bahu, ke tla biletšwa ntle le bona. “Go Mo tsebeng ka Maatleng a tsogo ya Gagwe.” E sego go Mo tsebe ka lentšu goba ka tiro, eupša go Mo tseba ka Maatleng a tsogo ya Gagwe. Yeo ke ye nngwe ya dikholofelo tša rena—tša rena tše kgolo bošegong bjo, le kholofelo e nnoši re nago le yona, ke ka go... tsogo ye kgolo yela ya Morena wa rena Jesu; le tsogo ya rena ya makgoraditsela re nago bjale, go tloga lehung go ya Bophelong, ka go ba le Bophelo bjo Bosafelego ka Jesu Kriste.

4 Re letile, gomme go leta ga letago, ga tlhago yohle, go fihla letšatši lela ge A tla tla lekga la bobedi, go tšwa Legodimong, Yo Modimo a tla mo romelago ka lebaka la gona. Gomme ka gona mebele ye e hwago, ye re tssetselago ka go yona bjale, e tla tše go se hwe, “Gomme re tla fetolwa le go dirwa go swana le mmele wa Gagwe Mong wa letago, ka gore re tla Mmona ka mo A lego.”

Gona sebe le manyami, sebe le lehu la lefase le
leso le tla goma,
Ka go pušo ye ya letago le Jesu ya mengwaga
ye sekete ya khutšo.

5 Dinonyana di letile seo. Mehlare e letile seo. Tlhago yohle e a kobegile le go lla, e letile bakeng sa nako yeo, e tsetlela go apešwa.

6 Mosetsana wa ka yo monnyane, nakwana ya go feta, o mpotšišitše potšišo. A re, “Tate, na lefase le le bonagetše bjang ge Modimo a feditše ka lona?”

⁷ Ke rile, “E be e le le lebotse, hani. E be e le le lebotse.” Gomme ke rile, “Letšatši le lengwe go tla ba ka mokgwa woo gape, ge thogako e tlošitšwe. Gomme ka gona re tla . . . Go tla ba boka go bile mathomong, paradeisi ye kgolo ya Modimo.”

⁸ Bjale, thwi ka mošomong. Ke be ke nagana bjale, bošego bja mathomo . . . Bjo ke bošego bja boraro bja tsošeletšo ya rena ye nnyane. Gomme ga se re be le lesolo la phodišo. E no ba go iketla, go no hlagiša maikutlo a rena, le go ruta Ebangedi ka tsela ya fešene ya kgale; Ebangedi ya go swana ye ke e rutilego mo, ye mentši, mengwaga ye mentši ya go feta, ga se ya fetoga nthathana e tee. Yeo ke nnete, feela Ebangedi ya go swana, e sego nthathana ya go mpshafatša goba go pholetšha; feela Ebangedi ya go swana.

⁹ Ntle ka ditirelong, e lego mohlakanelwa wa dikerekemaina, godimo ga motheo wa go theiwa ka diotithoriamong le dikerekemaina tše dintši tša go fapania tša batho di etla mmogo, o mohuta wa go itshwara wenamong go tloga go Thuto; yohle eupša phodišo Kgethwa, gomme, nnete, go amogela Morena Jesu. Eupša ge o le ka legaeng la gago, go swana le kereke ya gae mo, o no ikwela boka o no apola kholoro ya gago, gomme feela gabonolo go rera feela se o naganago se lokile, gomme seo ke sona.

¹⁰ Gomme makga a mantši, ka mo, re na le, makga a mantši, batho ga ba dumelelana. Re ka se letele yo mongwe le yo mongwe go dumelelana le rena go Dithuto tša rena tša kereke le dilo tše re nago natšo. Eupša re ka no ba selo sa go swana, bjalo ka ge modiša wa lena a be a rera, eupša o tla be a sa le ngwanešu wa ka. O se ke wa e hlokomologa. Gomme yo mongwe le yo mongwe o lebelela dilo ka go mebono ya go fapania.

¹¹ Gomme ka go beke ye, go boneng gore ke ile ka swanela go khansela beke ka Canada, ka lebaka la ledimo la lehlwa, gobaneng, go mpha monyetla go tla fa go tabarenekel bakeng sa tsošeletšo ya mašego a se makae, ye ke tshepišitšego ge ke tloga. Gomme kee fa ntle, gore go be go se . . . “e sego tirelo ya phodišo; go no rera Ebangedi.” Go no . . . Gomme go ye, go hwetšeng, ke naganne mohlomongwe re tla tšea mašego a se makae go Mabaka a Supago a Kereke. Ka gore ka therešo ke dumela gore re phela ka go lebaka la mafelelo la kereke, letšatši la mafelelo, feela pele ga go Tla ga Morena Jesu.

¹² Ka mehla ke leka go ikala nnamong, kereke ye nnyane mo, kae kapa kae ke bego ke bolela, ka lebaka la gore Morena wa go loka wa Legodimo o mphile nthatana ye nnyane ya bodiredi, le nna, ya ka lehlakoreng la kagodimogatlhago, bjalo ka ge le kwešiša. Gomme batho ba lekelela godimo ga lentšu la gago, gomme—gomme kafao ke—ke swanetše go hlokomela kudu ditatamente tše ke di dirago. Gobane, ge Moya wo Mokgethwa o file maatla a a pono le go hlatha, ao a sa belaetšego, gomme ba

go kwa o bolela, ba ikwela gore o na le kakanyo ya se o bolelago ka sona, goba Modimo a ka se tsoge a šegofatša phošo le go e romela ntle ka mokgwa woo. Le a bona? Kafao gona o swanetše go hlokomela kudu, le go e kala ka seetša sa Lentšu, nako yohle. Gomme ka go seo, ge ke dira phošo, ke rapela Modimo go ntebalela, gobane ga ke re go dira. Gomme ke . . .

¹³ Gomme nako efe kapa efe, ka go ruteng, gomme gagolo ka go dithuto tše tša go teba tše re lego ka go tšona bjale, le bošego bja go feta ka *Leswao La Sebata*, le dithuto tša go swana le tše, gomme bošegong bjo bja *Leswao La Modimo*, leswao la Modimo, le go ya pele ka mokgwa woo, Ke ikwela gore mohlomongwe, nka no ba le bontši bo ka se dumelanelane le se, le se ke se rutago go seo. Eupsa ke leka go e dira feela bjalo ka . . . go se E hlahlele go kereke ye e itšego, kerekeleina ye e itšego, goba batho ba ba itšego, le gatee. Modimo o tseba seo. Feelka go Seetša se ke se bonago ka go sona, ke ka tsela ye ke se bolelago.

¹⁴ Gomme ga go kereke ye e bitšago Leina la Morena Jesu eupša ye ke e ratago. Yoo ga se motho yo a ka bitšago Leina la Gagwe, goba go ba le tlhompho ye e itšego go Yena, eupša se ke tla yago go lehu la ka go dira e ka ba eng bakeng sa bona. Yeo ke nnete. Ga go kgathale leswao la bodumedi ba le aperego, ge eba ke Methodist, Baptist, Katoliki, e ka ba eng e ka bago, seo se ka se tshwenye bonnyane go nna, yeo ke nnete, ge feela ba ne ditlhompho go Morena wa ka.

¹⁵ Eupša, bjale, go na le Polane. Gomme bjale kereke ye nngwe le ye nngwe e a ruta, mohlomongwe, se thutamodimo ya bona e lego ya kereke yela, ba dumela gore e theilwe godimo ga Polane. Gabotse, bjale, makga a mantši, go boneng dilo tšela, gore ga e no ba ka tsela ye ke balago Polane, kafao gona ke ne tokelo ka kerekeng ya ka mong go ala ntle se ke naganago se lokile.

¹⁶ Fa nako ye nngwe ya go feta, rakonteraka . . . ke be ke le ka Milltown, ka kerekeng ya Milltown Baptist, moo re bilego le tsošeletšo. Gomme Ngwanešu Wright le lena bohole, ke a thankha, le elelwa Marion Lee. [Ngwanešu George Wright o re, "Amene."—Mor.] Gomme o be a nyamile kudu ka se sengwe ke se rutilego ka kolobetšo ya meetse. Gabotse, o ile gae, gomme o be a nyamile ka yona. Gomme o be a le rakonteraka.

¹⁷ Bošegong bjoo o lorile toro. Morena o mmontšhitše o be a aga ntlo, gomme o be a swanetše go bea lefastere la go tswelwago ka ntle go yona. Gomme ka fao go na le gore a bee lefastere la go tšwelela ka ntle go yona, o ile a no bea mathudi, a re, "Seo se tla loka." Kafao ge mong wa ntlo a etla godimo, o rile, "E phušule fase go go ya motheong, thomišang gape."

¹⁸ Kafao o be a rutilwe se sengwe go fapania le se Beibele e se rutilego, kafao o rile, "Gabotse le nna ke ile ka no thuba motheo gomme ka o aga gape." Ke ile gae le yena bošegong bjoo, ke dutše bošego bjohle ntlong ya gagwe. Kafao gona re . . .

¹⁹ Yeo ke therešo. E swanetše go bewa. Gomme, go ruta dithuto tše, ga ke morutiši. Eupša ka go se ke se tsebago ka Lona, ke rata go Le hlaloša go ba bangwe, le go kopanelo go dikologa Lentšu, ge Moya wo Mokgethwa o Le dira kgonthe go pelo ya rena. Gomme kafao re no ba le nako ye kgolo go e dira.

²⁰ Gomme feelsa mohuta wa go khutšiša modiša morategi wa rena fa, Ngwanešu Neville. Ge go na le basetsebje ka dikgorong tša rena; monna, *mo*, ke modiša wa rena, Ngwanešu Neville, monna wa Modimo, mohlanka wa therešo wa Morena Jesu Kriste. Ga ke e bolele gobane o dutše fa. Ke bolela seo ka mokokotlong wa gagwe, goba e ka ba kae, o bile ka tsela yeo ge e sa le ke mo tseba. O be a le Momethodist ka maatla, gomme ke be ke le Mobaptist ka maatla, eupša re be re le banešu mmogo, gomme kafao bobedi re retologetše ntle go ba bapshikologibakgethwa. Go lokile, a ga se yona, ngwanešu? Amene. [Ngwanešu Neville o re, “Amene. Haleluya!”—Mor.] Kafao re eme ka lebaleng la mohlakanelwa.

²¹ Gabotse, rena, re na le nako ya go makatša ka go tsela ye, “Re no ba le kopanelo rena seng, ge Madi a Jesu Kriste, Morwa wa Modimo, a re hlwekiša go tšwa go goseloke gohle.” Ka fao re na le nako ye kgolo, gomme ka nnete re leboga basetsebje ka dikgorong tša rena, bošegong bjo, mo.

²² Tsošeletšo ya rena ye nnyane, ke a thanka le makala gobaneng e be e sa kwalakwatswe. Gabotse, e be e no ba nako ye nnyane ya megobo bakeng sa kereke ya rena mo, gomme ke ka baka leo mohlomongwe re... Ga ke tsebe ka fao Moya wo Mokgethwa o tla hlahlago, eupša mohlomongwe bošego bjo bongwe, pele re tswalela fa, re ka ba le tirelo ya phodišo, ge Morena a rata. Gomme kafao ke a holofela gore O tla fa seo.

²³ Ke swanetše go ya morago Canada bjale, go tšwetšapele ka ditsošeletšong. Gomme bjalo ka ge bohole re tseba, re na le peakanyo ye botse ye boima, e tladitšwe thwi godimo go letšatšikgwedi la nako go ya mošwamawatle. Gomme dipeakanyo di šetše di dirilwe, go thoma ka Durban, Borwa... ka Johannesburg, Afrika Borwa, ka Setemere, e ka ba la boraro. Gomme ka gona re ya pele go tloga fao go ya ka Durban; le go ya India; le go ya Palestina; le Luxenburg; le Frankfurt; le Transjordan; le gohle go kgabola fale. Re boelang morago gae ge Morena a re hlahlela morago, ge A re botša go tla morago. Gona ba lokišetša lenaneo le lengwe bakeng sa New Zealand le Australia, le tlase go kgabola fale; le godimo ka bohlabeleda, go Japane, le dinaga tsela fale.

²⁴ Ke ikwela gore dikereke tše ntši kudu go dikologa mo, moo batho, oo, nna, feelsa mohuta wa go basokologi, le seng sa lena, gomme, ka gona, batho ba dikete ga se ba ke ebile ba kwa ka Jesu lekga la mathomo. Gomme kafao ke ikwela gore... Ke maikutlo

a ka, ka sebele, ke mošomo wa ka go iša Molaetša go bona, bokaonekaone bjo ke kgonago. Gomme bjale ge ke . . .

²⁵ A ke ke bolele gape bjale, gobane, go dutšwe go ba gona, Methodist, Baptist, Katoliki, Presbyterian, Pentecostal, Pilgrim Holiness, Nazarene, ba dutše tikologong, gomme seo ke se re dirilwego . . . Ke a dumela yeo ke tsela ye Legodimo le yago go ba, mohuta wa, sehlopha sohle sa rena re dutše kua.

²⁶ Gomme bjale go melaetša ye, boka *Leswao La Sebata*, gomme lehono ge go ne tlhakathkano ye bjalo . . . A le e kwešištše, bošegong bja go feta? Ge le dirile, e reng, "Amene." [Phuthego e re, "Amene." —Mor.] Bjale re ya go bolela bošegong bjo ka leswao la Modimo, goba, *Leswao La Modimo*. Bjale re a lemoga . . .

²⁷ Bjale, ga ke no leka go rera go tšwa go Dibeibele tše pedi; e tee ke bontši. Eupša ke na le ye nngwe ya tšona mo ka morero wa dinoutsefase tše nnyane, le go ya pele, ya tšupetšo, ge yo mongwe a ka botšiša potšišo. Gomme bjale, gosasa bošego, ge Morena a rata, ka morago ga go rera . . .

²⁸ Bošegong bja mathomo, go *Mabaka A Šupago A Kereke* go boneng moo re bego re le, re go, maemong, mo letšatšing leo re phelago.

²⁹ Bošego bja go feta, ka bosenyi bjo bogologolo bo lego lefaseng, *Leswao La Sebata*.

³⁰ Gomme, bošegong bjo, ka tšhegofatšo ye kgolokgolo e lego gona lefaseng, *Leswao La Modimo*.

³¹ Gosasa bošego, ke ya go le fa sebaka go nthunya, bjale. Gosasa bošego ke dipotšišo, le dilo tše le sa di kwešišego mabapi le tše di rerilwego. Le bile bakgomana le mohumagadi go lekanelia, goba Mokriste go lekanelia, ke tla re, go homola mo nakong ya ditirelo. Ke nyaka le ngwale, gosasa bošego ge le etla kerekeng, le go tla feela ka pela ka fao le ka kgonago, gobane ke tla swanelia go tla ka pela go bala le mohuta wa go e araba morago, ya se potšišo ya lena e lego mabapi le Lengwalo.

Gona Lamorena mosong ke sekolo sa Lamorena sa mehleng.

³² Lamorena mantšiboa, mohlomongwe Lamorena mantšiboa, ke tirelo ya kolobetšo. Go ne batho ba bangwe go kolobetšwa. Gomme ka gona Lamorena bošego, re tla mohlomongwe, e ka ba go ba le molaetša wa Ebangedi goba tirelo ya phodišo. Re tla bona e ka ba eng Morena a e hlahlelagoo bakeng sa bošego bjoo, bakeng sa Lamorena bošego, molaetša go yeo.

³³ Bjale re hwetša, pele re batamela se, gore, "Ga go motho Legodimong, ga go motho a bego a le lefaseng, goba ga go motho ka tlase ga lefase, a bego a ne maswanedi go tše Puku, goba go E bula, goba go tlemolla Mahuto a yona." "Ga go motho!" Johane o e bone ka go Kutollo. Gomme re ruta Dikutollo bjale. "Gomme Johane o llile. Eupša go bile le Kwana yeo e bolailwego, go tloga

motheong wa lefase; O be a ne maswanedi go tla le go tšea Puku go tšwa seatleng se setona sa Yena yoo a dutšego godimo ga Terone, le go bula Puku, le go tlemolla Mahuto a yona.” Gomme Kwana yela, nnete, e be e le Jesu Kriste, Morwa wa Modimo. Gomme bjale ge A le Yena a nnoši yoo a nago maswanedi . . .

³⁴ O phetše fa gatee le rena, mo lefaseng, ka sebolepego sa Motho. Modimo o phetše ka go Morwa wa Gagwe, Kriste Jesu, bjalo ka Modimo Motho.

³⁵ Gomme O boetše ka Letagong, a tlogela Lentšu le, “Lebakana le lennyane gomme lefase le ka se Mpone gape. Efela, lena le tla Mpona, gobane Ke tla ba le lena, ebile ka go lena, go fihla bofelong bja lefase.” Motho wa Moya wo Mokgethwa, Modimo, a bowa ka sebolepego Yena . . . Jesu o rile, “Ke tšwa go Modimo; Ke ya go Modimo.” O tlide go tšwa Bokagosafelego, a gatela fase ka go nako; a ya go tloga go nako, morago ka go Bokagosafelego.

³⁶ Gomme lefase ga se la Mo tseba. “O be a le lefaseng, lefase le dirilwe ke Yena, gomme lefase ga se la Mo tseba. Eupša ba bantši ba ba Mo amogetšego, ba . . . a ba fa maatla go ba barwa ba Modimo.”

³⁷ Gomme, bjale, bjale Jesu Kriste o na le rena, “Efela lebakana le lennyane gomme lefase ga le sa Mpona gape, efela le tla Mpona.” Bjale fao go ya go ba lefase le le sa Mmonego, gomme fao go ya go ba *yena* yoo a bonago. “Gobane Nna,” *Nna* ke lešalašala, “Ke tla ba le lena, ebile ka go lena, go fihla bofelong bja lefase. Gomme wena,” modumedi, “o tla Mpona thwi go ya bofelong bja lefase.”

³⁸ Bahebere 13:8, e rile, “Jesu Kriste o a swana maabane, lehono, le go ya go ile.” Setšang Yena ka maatleng a Gagwe, Morena Jesu wa go swana, lerato la go swana, matete a go swana, maswao a go swana ao a Mo latetšego, a sepelela thwi pele go theoga. O ka go Mmele wa sephiri bjale, Mmele wa ba ba tsošitšwego, go tšwa sebeng go ya Bophelong. O phela ka go bona.

³⁹ Modimo ka go Letago la Gagwe le legolo, Modimo a theoga, a etla go tšwa go Pilara ya Mollo, ga go motho a bego a ka kgona go kgwatha, tlase ka go sebolepego sa nama ya motho mo a bego a kgona go kgwatha, eupša O tswetšwe ke kgarebe. Ka gona, ntle kua, a neela bophelo bja Gagwe go bapolwa, go hlwekiša motho wa sebe, gomme O be a kgona go phela thwi magareng ga batho. Lerato le Modimo a nago nalo go motho, le A itatollago ka Boyena fase, go dira tsela ya go hlwekišwa ye A ka kgonago go phela le go rata magareng ga banna le basadi. Ke mo go botse. Ee. Yoo ke Tate wa rena.

⁴⁰ A nke re bolele le Yena feela bjale, Mongwadi wa Puku, pele re phetla matlakala.

⁴¹ Tate wa rena wa Magodimong wa go loka, re tla go Wena, bosegong bjo, ka tsela ye e tshepišitšwego go rena, "Ge le Nkgopela e ka ba eng ka Leina la Ka, seo Ke tla se dira." Kafao ga re ne toko, ga re ne selo seo re ka go se neela, feela re tla Leineng la Morena Jesu, re tseba gore O tshepišitše go kwa ka Leina le.

⁴² Ka gona re a Go kgopela, ka go tseba gore re na le mo, ka tlase ga go ela hloko bosegong bjo, ye nngwe ya dithuto tša go ikgetha kudukudu tša letšatši, *Leswao La Modimo*. Tate, re a rapela, Morena, go tsebeng gore sehlopha se sennyane se sa batho bao ba kgobokanego fa, ge nka ba hlahlela thoko, ke tla fa bohlatse ka yona ka Letšatši la Kahlolo. Gomme mantšiboa a go feta, ka, *Leswao La Sebata*. O Tate, re a rapela gore O hlahle le go šupetša Mantšu ao. A nke Le se boele le feela, eupša a nke Le phethagatše seo Le se reretšwego ge Le be le ngwadilwe ka Pukung.

⁴³ Gomme bjale etla, Wena Mokgethwa, tsea Lentšu la Modimo thwi go tšwa Beibeleng, o Le bolela ka dipounama tša go hwa, go ditsebe tša go hwa, le go bolotša bobedi polelo le go kwa, gore re kgone go fihlelala se sengwe ka mokgobokano wo mmogo, bosegong bjo, go tsebeng gore go ka ba ba bangwe fa, ge lefase le eme ngwaga wo mongwe, go ka se be ba ba hwago lefaseng.

⁴⁴ Gomme bjale re ntlong ya phošollo, mo ntlong ya Modimo, moo re swanetšego go emela phošollo. Gomme a nke Moya wo Mokgethwa o mphošolle, le go tswalela molomo wa ka, bjalo ka ge O dirile molomo wa ditaui, le Daniele. Gomme Wena o tseba pelo ya ka, ge lentšu le tee ke swanetše go bolela go fapania goba ka gare ga ka mong. A nke Moya wo Mokgethwa o amogele Lentšu le lengwe le le lengwe. Ke no ema bjalo ka sebjana sa go se be le selo; gomme a nke A bolele Lentšu la Modimo, bosegong bjo, ka gore dipelo tša rena tše di swerwego ke tlala di hlologetše go kwa go tšwa go Yena. Gomme a nke Yena, Yo a ngwadilego Beibele, a tle le go E hlatholla go bahlanka ba Gago ba go kokobela fa. Re kgopela ka Leina la Jesu. Amene.

⁴⁵ Bjale bakeng sa bokamorago bjo bonnyane feela, go thoma bosegong bjo, ka, *Leswao La Modimo*.

⁴⁶ Le se lebale, gosasa bošego, re nyaka le hwetše potšišo ya lena. Gomme e ngwale pepeneneng, gomme o e bee godimo sefaleng, ka pela, goba godimo ga phuluphithi, ka pela ka fao o ka kgonago. Bjale sehlogo se segolo se re bilego le sona bosegong bja go feta . . .

⁴⁷ Bošegong bja mathomo, pele ga bja go feta, e bile Kereke le lebaka la kereke, ka fao re bonego Jesu a eme magareng ga Dihlomakerese tše Šupago tša Gauta, go lebega godimo bjalo ka letlapa la jaspere le saritine, mathomo le bofelo, Rubene le Benyamini. Le bona dihlomakerese tše ſupago, goba dihlomapone tše ſupago di eme, le molalatladi godimo ga yona, bjalo ka kgwerano, le ka fao A bonagetšego. Gomme Segalontšu sa Gagwe e be e le Segalontšu sa meetse a mantši, bobedi Kriste

le Kereke, ba bolela mmogo; ka moketwana wa gauta go dikologa go rarela karolo ya sefega sa Kereke, o khupeditšwe godimo, a swere, Ebangedi e swere toko ya Kriste godimo ga Kereke. A eme godimo ga motheo wa mphiri, kahlolo Kgethwa; Modimo o tšholletše kahlolo Kgethwa ya Gagwe godimo ga Kriste, gomme O tlaisegile, mohlokamolato bakeng sa ba molato.

⁴⁸ Gona, go boneng ka fao e thomilego ka kereke ya Efeso; morago lebaka la bobedi la kereke; lebaka la boraro la kereke; lebaka la bone la kereke, mengwaga ye makgolo a lesometlhano a lebaka la leswiswi; ntle go kgabola Lebaka la Lutheran; le Lebaka la Filadelifia; le tlase ka go Lebaka la Laodikia, lebaka la mafelelo.

⁴⁹ Go boneng ka go Testamente ya Kgale, ka fao a bego a swantšhitšwe ka phethagalo mo mathomong, ka go Salomo, pele go theoga go kgabola ka nako ya Ahaba, lebaka la leswiswi. Gomme o hweditše, bjalo ka Isebele, Ahaba, moreri wa mothalamollwane, goba monna yo a bego a le go se botege. Go no swana le bontši bja maloko a kereke a bolelo lehono, batho, go se botege; ka kerekeng lehono, gosasa o ka kgona go ba letela e ka ba kae; ba itšimeletša, ba hlephiša, ba eya le lefase, efela ba ipitša Bakriste bonabeng. Gomme Ahaba, ka leemong leo, o ratile mosadi yo mobotse yo monnyane, le ge e le yo mobe bjalo ka bohle go tšwela ka ntle. Gomme o mo nyetše, le go tliša go rapela medingwana ka go Israele, thwi ka go nako ya leswiswiswi ya Israele, lebaka la leswiswi. Bjale, re hwetša gore ba tšwela ka ntle ga fao ka boemo bja mphiri, le pele ka ntle, gomme mafelelong bolelo, tlase go fihla Modimo a ba tshwa go tšwa molomong wa Gagwe gomme a amogela Bantle.

⁵⁰ Gomme bjale re hwetša gore ba thomile go tloga go ya pele, ke—ke Kereke ya Efeso, mo mathomong, ka go lebaka la kereke; lebaka la kereke la go latela le thoma go fola le go ba bolelo; le ile pele ka gare, le lebaka la leswiswi. Gomme feela bjalo ka—bjalo ka letšatši leo, Ahaba a nyala morapelamodingwana, Isebele, gomme a tliša borapedi bja medingwana ka go Israele; morago Boprotestant bo nyalane le Boroma, Bokatoliki, gomme bja tliša borapedi bja medingwana ka kerekeng. Ya tšwela ntle ka Martin Luther; go theoga ka John Wesley; godimo ka go Pentecost; le ntle, ebole e tshwelwe go tšwa molomong wa Modimo; gomme Modimo o boela morago go Mojuda gape, feela ka go phethagala.

⁵¹ Bjale, ke a tseba ke...Le re, bjale, ke nna mokai. Yeo ke nnete. Gobane, ke—ke tseba selo se tee, ge eba ke ya go lebanya moriti wa ka gomme ke bona se moriti wa ka o bogegago boka sona, ke na le kakanyo ya se ke bogegago boka sona; ge eba ke nna sebata sa maoto a mane, goba nonyana ya maofa, goba e ka ba eng e lego, e tla ba moriti.

⁵² Gomme Testamente ya Kgale e be e le moriti wa ye Mpsha. Re bile le yona bošegong bja go feta, ka go Kutollo 12, mosadi ka

molao ka tlase ga dinao tša gagwe, ngwedi le letšatši hlogong ya gagwe, gomme sekai. Ka fao, dilo tšeо tšohle, Bahebере tema ya 11 e a re botša, tšohle ba be ba le dikai le meriti. Ke a dumela, Bahebере 12, e rile o, “Go boneng gore re dikaneditšwe gohle ke leru le legolo bjalo la dihlatse, a re beeleng thoko boima bjo bongwe le bjo bongwe, le sebe seo se re nyamišago gabonolo, gore re ke re kitime ka kgotlelelo lebelo le le beilwego pele ga rena.” Bjale, re bone dilo tšeо. Ka gona mantšiboa a go feta . . .

⁵³ Re topile morago mo, go hwetša ntle, goba—goba, mantšiboa pele ga a go feta. Re hwetša gona, gore, kereke ya mathomo, ka fao e thomilego. E hlomamisitšwe gomme ya thoma ka Letšatši la Pentecost, moo Moya wo Mokgethwa o ilego wa tšhollelwa ntle godimo ga badumedi. Gomme re bone phetogo ya badumedi ba, le ka fao O dirilego godimo ga bona, le se ba se dirilego, le maswao le matete ao a ba latetšego.

⁵⁴ Ka gona re a hwetša, go tswaleleng ga lebaka leo la kereke, e ka ba mengwaga ye makgolotharo, ba tšweleditše bohlanya magareng ga bona, bo bitšwago, “thuto ya—ya Banikolaite.” Gona re hwetša, e be e le “mediro,” le go thoma.

Ka go lebaka la kereke la go latela, e bile “thuto.”

Gomme morago ya ba “tlhomaro,” mo lebakeng la leswiswi.

⁵⁵ Ka gona go tla ntle ka lehlakoreng le lengwe, godimo mo, le go hwetša gore e phaphašitše thwi ntle le dikereke tša Maprotestant tše di tlidego ntle.

⁵⁶ Ka gona re ya morago gape nako yeo le go hwetša ntle ka fao bjohle bolelo bo lego godimo mo mo bofelong bja lebaka, ka lehlakoreng *le*, ka fao yohle e folago. Go no swana le ge e dirile ka tlase ga Bajuda, e dira bjalo ka tlase ga Bantle; e fola ge e eya ka tsela *ye*, moriti, o fifala ntle.

⁵⁷ Go no swana le ge go bile, matšatši a Wesley, gomme re tlišitše seo ka gare bošego bja go feta, le Luther. A tsošeletšo ye kgolo le biledgo le yona, eupša, tikologo ya go latela, e thomile go fola. Tikologo ya go latela, e bile go folafodi. Gomme bjale e no ba sehlopha sa dithutotumelo le dibopego. Seo ke sohle se lego go yona. Le a bona? Gomme ke ka tsela yeo go biledgo tsela yohle go bapa. Kafao gona re rutile seo.

⁵⁸ Bjale, sekgauswi bjale, theeletšang, gore le be le mnene ya go elelwa. Ga ke ahlole batho ba Katoliki, gomme ga ke ahlole batho ba Protestant, ka gore go tšwa go bobedi le bohle ba bona go tla Peu ya Modimo, ka kgetho. Bao ba beetšwego go ya Bophelong ba tla Le bona le go sepela ka go Lona. Bao ba sa kgonego go bona, ba sepela ka leswiswing. Go tšwa go Modimo. Modimo o a e dira. O enne le go tshepiša Abraham O tla mo phološa le Peu ya gagwe. Bjale, ge o na le Peu ya Abraham, o na le Bophelo bjo Bosafelego, ke phetho, gomme le bajabohwa go ya ka tshepišo. Gomme yohle ke ka mogau le ka kgetho ya Modimo.

⁵⁹ Bjale hlokamelang, ka go se fa. Gomme dinako tše dingwe ke no . . . mohlomongwe ge eba ke rerile bontši, goba ke rutile bontši. E bile mengwaga. Ye ke kopano ya mathomo ya go ruta ke bilego le yona, lebaka la e ka ba mengwaga ye seswai. Gomme e no ba ye nnyane, mohlomongwe ruse ye nnyane go yona, mafelong. Nako efe kapa efe o—o . . . Mpotšiše potšišo efe kapa efe o nyakago; e bee sefaleng, goba phuluphithing, gomme ke tla thaba go e hwetša.

⁶⁰ Bjale elang hloko. Eupša sohle se ke se tsebago ka Lona, ga se ka ke ka ithuta Lona ka motho, ka siminari. Ke rapetše go fihla ke bile le kutollo ya lona, gomme e swanetše go bapela le Lentšu la Modimo.

⁶¹ Ka go Testamente ya Kgale, ba bile le ditsela tše tharo go tseba molaetša. Tsela ya pele ba bego ba hwetša, e be e ka ba go ngwadilwe godimo ga molao; selo sa go latela e be e le moprefeta; goba selo sa go latela e bile Urim Thummim. Bjale morutiši e ka ba ofe o tseba se Urim Thummim e bilego. E be e le se—se seetša seo se phadimilego godimo ga sephemafega sa Arone, seo ba bego ba se lekeeditše ka tempeleng. Bjale, ge moprefeta a profetile, gomme Seetša se be se sa panyapanye go Urim Thummim, e be e fošagetše. Yeo e be e le karabo ye Kgethwa ya Modimo, “E be e fošagetše.” Gona ge ba . . . Ge molori a lorile toro, gomme ga se e benye go Urim Thummim, e be e fošagetše.

⁶² Bjale, Urim Thummim e tlošitšwe, ka go kgopolole yeo, eupša Ye ke Urim Thummim ya Modimo bjale, Beibele. Ge moprefeta, goba molori, goba e ka ba eng e lego, goba morutiši, a se a thee teori ya gagwe tlwa godimo ga O RIALO MORENA, ga ke e dumele, le a bona. Swanetše go tla thwi Fa, go tloga go Genesi go ya go Kutollo, e sego feela lefelong le tee. E swanetše go tla ka Beibele le go E bofaganya tlwa mmogo. Ee, mohlomphegi. E swanetše go sepelelana le ka moka ga Yona, gomme e E huka yohle mmogo. Ge o sa dire, o ka kgona go tšeal selo se tee gomme wa bolela gore seo ke phekatori, gomme wa rera Bokatoliki go tšwa Beibeleng. Eupša e swanetše go sepelelana go felela go tloga go Genesi go ya go Kutollo, go dira senepe go kwagala. Yeo ke therešo.

⁶³ Gomme Moya wo Mokgethwa ke Yena Yo a tlišitšego seswantšho se go wena, ge o ka no Mo dumelela go se dira. O tla le hlahlela ka go Seetša sohle. Beibele e boletše bjalo. Jesu o rile O tla e dira.

⁶⁴ Bjale hlokamelang bjalo ka . . . Gape, bjale, re hwetša se ba se dirilego kua. Ka gona, morago ga lebakana, ba hweditše thuto. Ba hweditše tlaišego. Ba ile ntle.

⁶⁵ Gomme ka gona re tla go hwetša ntle, gore ka letšatšing le bjale, gore Beibele e boleletšepele gore go tla ba nako ge batho ba tla amogela leswao, le leswao la sebata.

⁶⁶ Nako le nako go na le se sengwe se sennyane se fofela godimo ka nageng, yo mongwe le yo mongwe o rile, “Leo ke leswao la sebata.” Ge ya kgale . . . ke be ke sa tšwa go hlomamišwa ka kerekeng ya Baptist, ge ke kwele ka N.R.A. Gabotse, yo mongwe le yo mongwe o rile, “Leo ke leswao la sebata.” Gomme ka gona se sengwe le se sengwe se a thomiša go bapa, “Ke leswao la sebata.”

⁶⁷ Gomme bjale ba re, “Mo go tla Russia fase, bokomonisi, ke leswao la sebata.” Eupša, ke maaka. Ga se leswao la sebata. Beibele e bolela se leswao la sebata le lego sona. Leswao la sebata ga se molwalebodumedi molwalenaga yo mogolo a tsoga ka mokgwa woo. Bokomonisi ga se Russia; bokomonisi ke moy. Bjohle ke . . . Ga re—ga ra swanela go tshwenyega ka Russia.

⁶⁸ Go bola ga rena beng ke se se re bolayago. Bokomonisi bo sepela thwi magareng ga dikereke tša rena le se sengwe le se sengwe gape, le tseba seo, ka dikolong tša rena, ka magaeng a rena, mogohle, ka setšhabeng sa rena. Selo ka moka se nno lewa ke seboko. Robin e thobolago godimo ga apola ga e e gobatše; ke seboko mo kgwekgweng seo se senyago apola. Seo ke se e lego sona, e no ba go bola magareng ga rena beng. Go ya, go ipitša ka borena Bakriste, le go dira bjalo ka lefase, le go apara bjalo ka lefase, le go tšea karolo go lefase, le go ipitša renabeng . . . Lefase le babja le go lapa ka se sebjalo. Gomme e segó feela lefase, bontši bja Bakriste ba bjalo, le bona. Ee.

⁶⁹ Ka mehla ke rile, “Modimo thuša letšatši ge banna ba tla ba se ba swanetšeego go ba. Ge nkabe ke le kgahlanong le Yena, ke be ke tla re ke be ke le kgahlanong le Yena, ke be ke tla ba kgahlanong le Yena ka go se sengwe le se sengwe ke bego nka kgona go ba.” Eupša ke eme le Yena, gomme ke a Mo rata, gomme ke a Mo dumela. Gomme—gomme bophelo bja ka bo ka diatleng tša Gagwe, go dira ka e ka ba eng A nyakago go, gobane ke a dumela gore Bokriste ke Therešo. Yeo ke nnete. Ke a dumela ke Therešo.

⁷⁰ Go eteng lefaseng, le go e lebelela godimo ka go diism tša go fapana, le go ya pele, bathomi bohole ba tšona ba hwile le go robala ka lebitleng, gomme ba na le thutamodimo. Seo e no ba bokgole bjo kereke ya Bokriste e yago le yona, go le bjalo.

⁷¹ “Eupša bao ba tsebago Modimo wa bona ba tla dira tše kgolo.” Gomme Maatla a Jesu Kriste yo a tsogilego a phela ka go motho. Yeo ke nnete. Ga se a hwa; O tsogile. “Ke tla ba le lena, le ka go lena, gomme dilo tše Ke di dirago le tla di dira le lena.” Ee, mohlomphegi.

⁷² Ka gona lefase le lebelela ntle gomme la re, “Bohlanya.” Le bone mo re e tšerego bošego bja go feta, ka thušo ya Modimo.

⁷³ Bjale, re hwetša gore selo sa pele se se kilego sa tsoga go bopa sebopego e ka ba sefe sa sebata, le gatee, goba . . . *Sebata* se ra “maatla.” Re ile go kgabola dika tšohle le se sengwe le se sengwe, bošegong bja go feta, go netefatša gore sebata e be e le maatla.

Gomme ga se sa ke sa tšwela ka ntle ga Russia. Se tšwele ka Roma. Seo ke therešo. Se tšwa Roma.

⁷⁴ Gomme e be e se—e be e se sehlopha sa banna. E be e se mokgatlo wa dipolitiki. E be e le lefelo la bodumedi. E be e le kereke yeo “e dutšego godimo ga dithaba tše šupa,” le monna yo motee yo a bego a laola maatla godimo ga lefase ka moka, ka kua. Therešo tlwa. Gomme re hwetša gore e be e le mosadi, gomme a mo swantšha feela ka pepeneneng. E sego go tsea tlathollo ya ka mong; go no bala Beibele. Gore, ga go na lefelo le lengwe ka lefaseng, ga go toropokgolo ye nngwe ka lefaseng, e bušago godimo ga lefase lohle. Ka go setšhaba se sengwe le se sengwe, mothalo wola wa Boroma o ya ntle boka ka go menwana ye lesome ya pono ya Daniele, gomme re hwetša gore yeo e be e le Toropokgolo ya Vatican.

⁷⁵ Bonnyane tasene ya Makatoliki a go botega ba dutše mo bošegong bja go feta. Ba dutše ba homotše le go theetša. Ba hlokofetše. Ba swerwe ke tlala.

⁷⁶ Bjale, o ka se phegišane le moprista. A ka se ngangišane, gobane, moprista, “Ge kereke e bolela e ka ba eng go fapania le Beibele ye, kereke e a rereša.” Go nna, Beibele e a rereša gomme kereke e phošo. Le a bona? O ka se kgone go phegišana le bona. Ba, o na le . . . Ga go na tsela ya go ngangišana. Ga go na tsela ya go ahlaahla goba go ngangišana. Gobane, ba a dumela, “Se kereke e se bolelago, yeo ke yona! Yeo ke yona, se kereke e se bolelago, ga go kgathale se Beibele e se bolelago. Ke se kereke e se bolelago!” Ba dumela kereke. Re dumela Beibele.

⁷⁷ Bjale re hwetša gore o be a bitšwa . . . Kereke e be e le mosadi. Gomme o be a bitšwa la mpapatla, lentsu la “SEOTSWA,” gomme ka gona o be a le “MMAGO BOMMALEGOGWANA.” Gomme re hwetša gore kereke ya Katoliki e be e le mme kereke wa mathomo. Ke tlwa se a rilego o be a le. Ke kereke ya mathomo go tsoge ya kgatlofatšwa. Ge Modimo a kile a kgatlofatša bodumedi, e bile kereke ya Katoliki. Mokgatlo wa mathomo o kilego wa kgatlofatšwa ka lefaseng, wa bodumedi bja Bokriste, kereke ya Katoliki. Bjale . . .

⁷⁸ Gomme ka gona, mafelelong, o be a le “MMAGO BOMMALEGOGWANA.” O belege dikereke, ka morago ga gagwe, gobane ba be ba ka se kgone go ba bašemanie, ba be ba swanetše go ba basetsana, gomme re hwetša gore kereke ya Maprotesetant ke setšweletšwa sa kereke ya Katoliki. Ka go puruputša Mangwalo, le go lebelela puku ya lena ya histori, re a bona gore kereke ya Protestant ke setšweletšwa. Gomme Protestant e ka se goelele ka Katoliki, gobane, bobedi, e re ke “BOMMALEGOGWANA” le “SEOTSWA.” Seo ke mpapatla, eupša seo ke O RIALO MORENA. Seo ke therešo.

⁷⁹ Setšang, morago o rile, “A re,” ka United States, ba rile, “a re direleng sebata seswantšho.” Ge sebata e be e le maatla, gomme

maatla e be e le mokgatlo; e sego go tšea teori bjale. Leo ke Lentšu la Modimo. Mokgatlo wa kereke ya Katoliki o ikgatlofadirše bonabeng mmogo le go dira tu- . . . dumelelana. Gomme ba beile, se ba se bitšago, “botate ba pelepele” mmogo, le go kgatlofatša kereke ya Katoliki, le go dira me—me—me—me metlwae, le se ba se dumetšego le se ba tla se rutago, tumelo ya lefasepharephare. Gomme ba e gapeleditše go batho, ka kotlo.

⁸⁰ Gomme ka gona ge Martin Luther a tšwela ntle, a bona Moya wa Modimo o mo hlahlela ntle, go na le gore ba tlogele batho ba dule ba lokologile, o kgatlofadirše kereke, seswantšho sa go swana le sebata, maatla a sepolitiki a go swana le sona. Sebakeng sa go dumelala batho go sepela bjalo ka ge Modimo a efa seetša, ba kgatlofadirše ka tlase ga boitshwaro, gomme ba swanetše go dula go boitshwaro bjola.

⁸¹ Modimo o sepeletše thwi ntle ka go kereke ya Methodist. Methodist e bile le tsošeletšo ye e swietšego lefase; Moya wo Mokgethwa le bona, go ruta tlhwekišo. Gomme selo sa pele le a tseba, ge ba dirile seo, morago ba kgatlofadirše kereke, ba dirile seswantšho sa sebata, yeo ke nnete, a sepolitiki, maatla a go kgatlofatšwa, go tlema batho ba Modimo go thutotumelo; go na le gore ba lokologe go rapela le go sepela ka seetšeng bjalo ka ge seetša se tšholotšwe tseleng ya bona.

⁸² Ba ba beile morago, ka go lebaka leo. Seo e be e le seetša se sekaone sa fao. Seo e be e le seetša sa—sa kereke ya Peregamo.

⁸³ Eupša go reng ka kereke ya Filadelefia? Seo ke seetša se sengwe. Eupša, le a bona, go sa kgathale ba kgatlofadirše bontši gakaakang, Modimo o sepeletše thwi ntle ka go lebaka le la kereke *le*, go le bjalo, o rometše monna ntle, a bitšwago John Wesley. Luther ga se a ke a kgona go le latela, ka baka la gore ga se a ke a le dumela. O be a šetše a kgatlofetše morago *mo*.

⁸⁴ Morago John Wesley o kgatlofadirše go swinelela kudu, le go fihla lefelong. E bile nako bakeng sa lebaka *le* la kereke go tsena. Modimo o rometše sehlopha sa Pentecostal; go ya ntle fa ka kolobetšo ya Moya wo Mokgethwa. Oo, Methodist e rile, “Uh-ooh. Huh! Re ka se kgone go ya le Yeo. Huh-uh! Ga re dumele ka go selo seo. Oo, aowa.” Gobaneng? *Se ke* seetša ba bego ba se sepela, *fa*; *sese* seetša sa godimo *fa* bjale.

⁸⁵ Re ya pele go leba bodikelatšatši. Le elelwa se moprofeta a se boletšego? “E tla ba letšatši le le tla bago maru, e sego bošego goba mosegare, eupša ka nako ya mantšiboa go tla ba Seetša.” Seetša seo se kilego sa phadima ka go naga ya bohlabela go Mojuda, ka bohlabela (Bajuda ke batho ba bohlabela), Se phadima godimo ga Bantle; Seetša sa go swana, Moya wo Mokgethwa wa go swana, ka matšatšing a mafelelo godimo mo, kolobetšo ya go swana ya Moya. Re bile tlase go kgabola mabaka a ohle go kgabola fa, moo go sego Seetša goba nako ya leswiswi,

eupša letšatši la maru, letšatši lla leutu; eupša thwi *fa*, bjalo ka ge Seetša se phadimile feela go swana le ge se dirile fale.

⁸⁶ Ke ka lebaka leo, “O swanetše go lebelela godimo ga letlapa la jaspere le saritis; Alefa, Omega, Mathomo le Mafelelo; Yena Yo a Bilego, Yo a Lego, gomme a Tla Tlago; Modu le Lehlogedi la Dafida; Naledi ya Moso.” Šeo yona. [Lefelo la go se be le selo godimo ga theipi—Mor.] Ke a holofela le a e bona.

⁸⁷ Gomme, elelwang, gore re hweditše, ntle le phošo e tee, gore leswao la sebata ke leswao la bokgelogi, ke gore, maloko a kerekere a lekeletše kerekeng ya bona sebakeng sa go sepela Seetšeng. Ba gana Seetša, gomme ga go selo se šetšego eupša leswiswi. Yeo ke nnete, bobedi Katoliki le Protestant. Go na le “sebata, le seotswa,” gomme o na le “ba bommalegogwana” barwedi. Gomme barwedi ba ba bommalegogwana, ge ba matlogile, ba be ba le kgarebe go tloga go Seetša sa letšatši leo, gomme ba kgatlofaditše le go tliša batho fase mo, morago ka mo, go ba dira mohuta wa go swana wa selo se Roma e bego e le sona mathomong. Beibele e boletše bjalo. “Sebata; le seswantšho sa sebata; letere ya leina la gagwe,” le go ya pele.

⁸⁸ Ka fao re ilego go kgabola selo ka moka, bošegong bja go feta, gomme Beibele pepeneneng . . . e sego teori ya yo mongwe. Eupša Beibele e e beile ntle, gore hlogo tšela tše šupago, sebata sa dinaka tše lesome [Ga go selo go theipi—Mor.] go tšwa Roma, o be a le fao ka Roma, gomme o be a le “yo a bego a le gona, yo a sego gona; gomme yo a lego gona, gomme yo a sego gona,” mopapa yo motee ka morago ga yo mongwe, mopapa yo motee ka morago ga yo mongwe, gomme o tla ya tahlegong. Gomme re hwetša gore mosadi yola wa go swana wa kgale o tlišitše pele basetsana ba bangwe. Ba be ba le kgarebe go tloga mathomong, ba sepetše ka go Seetša se ba bilego le sona. Gomme ka gona ba thoma go dira bjalo ka bommalegogwana, gomme ba ya thwi morago ba dira selo sa go swana mmago bona a se dirago. Tlwa. Tlwa.

⁸⁹ A nke ke le botše se sengwe, basadi. Theetšang. Le ka no se be le boitshepo bjo bontši kudu ka go mna bjale, ge ke phatlola dilo tše. Gomme ga se go le gobatša; ke go le thuša. Eupša ge le bona batho, dikereke lehono, di dumelala basadi ba tšona . . . Bjale, ke—ke ya go tla go banna, le bona. Eupša ba dumelala basadi ba bona go dira ka tsela ye ba dirago lehono, le bona ba ipolela Bokriste! Ga ke le sole lena basadi; ke tla dira, morago ga bošegong bjo. Eupša, lebelelang, ga—ga ke le sole lena basadi bjale. Eupša, kgaetšedi wa ka, bontši bja barutiši ba ba seminar godimo fa, goba barutiši ba dirapa tša mabitla, goba e ka ba eng le e bitšago, go tšwa godimo fa felotsoko, o no ba go le dumelala go sepela ka go phoro yela. Beibele e rile, ba be ba foufetše, ba hlahlha sefofu. Ke therešo.

⁹⁰ Bjale, gomme Jesu, go boneng se, le go tseba gore tše dingwe tša dikereke tšela tša Protestant di tla sepela thwi go otlologa

godimo go kgoro ya Seetša, gomme tša retologa go tloga. Jesu, ka go Mateo 24:24, o boletše gore go tla ba *bjalo*, molwalekriste o tla ba kgauswi *bjalo* go swana le Wona wa kgonthe, go fihla o tla fora le bona Bakgethiwa, ge go kgonega.

⁹¹ Bjale, le a bona, Boroma, Bokatoliki, oo, bo rathile ba bangwe ba lena Maprotestant ka hlogong. Eupša, monna yo a nago le mogau wo monnyane nthathana ka yena, yo monnyane... o tseba gannyane ka Beibele, o tla tšhaba le go sepela go tloga. Yeo ke nnete. Kgoketšo ya yona ke ye ntsho go yena; o a tseba ga go selo go seo, dilo tšeō tšohle ba di rutago. Ga go na Lengwalo go yona; bjale le nako yeo, ba bethile gannyane nthathana.

⁹² Maaka a magologolo a kilego a bolelwa, a bile le Therešo ye ntši ka go wona. Yeo ke nnete. Gomme a pele, Sathane a a boletšego go Efa, o boletše bontši bja Therešo. Eupša o be a na le go swana le, bofase bja yona, o be a na le maaka ao a bego a mo ahlola, le go senya moloko ka moka, tlholo ka moka. Yeo ke nnete.

⁹³ Le swanetše go hlokomela seo. Se swanetše go tla Therešo *mo* le Therešo *mo*, Therešo *mo* le Therešo *kua*. Nthathana ye nngwe le ye nngwe ya yona, Therešo; e mothalong go swana, tsela yohle go kgabola.

⁹⁴ Gomme ka gona ka fao batho ba kgonia go bona kereke ya pele morago kua e be e gotteditswe ka sehlomapone sela sa sehlomakerese, gomme gona godimo *fa* go bona selo sa go swana se direga seo se diregilego morago fale, gomme Lentšu la Modimo le re e tla ba “Jesu Kriste wa go swana maabane, lehono le go ya go ile.” Gomme ba e gana? Go ya go laetša gore ba ganne Seetša, gomme ba sepela ka leswiswing; selo se nnoši se šetšego.

⁹⁵ Ke therešo, ngwanešu wa ka. Ga ke bolele seo go ba setswerere. Modimo o tseba seo. O tseba pelo ya ka. Ke na le bodiredi, le bontši pele ga ka go le *bjalo*. Gomme go tsebeng gore letšatsi le lengwe, kua Setulong sa Kahlolo, ke ya go arabela dilo tše. Yeo ke nnete tlwa. Ke tla hwetšwa mophari wa maaka, morutiši wa maaka, gona Modimo o tla nkahlola. Yeo ke nnete. Eupša ge ke tseba Therešo ya dilo tše, gomme ka se le botše, O tla nkahlola gona, kgonthe go lekanelia.

⁹⁶ O rile go mohlapetši, “Šetša! Ge o šitwa go sebotša, gona Ke tla—Ke tla nyaka go seatla sa gago. Eupša ge o dira tshebotšo, gomme ba ya pele, ba tla hwela sebeng sa bona, eupša Nka se e nyake ka seatleng sa gago. O tla lokologa.”

⁹⁷ Kafao re nyaka go hlokomela gore re tseba se e lego Therešo, go ya ka Beibele. Le ka fao lebaka leo le thomilego ka gare, le se ba se dirilego, le lehono go bona kereke ya Protestant thwi tlase tlwa.

⁹⁸ Lebelelang fa. Go be go fela, nako ye telele ya go feta, gomme lena batho ba bokgethwa, go be go le phošo go lena basadi go ripa moriri wa lena. Go ttile eng thwi ka yona? ge Beibele e boletše gore mo . . . ge mosadi mang kapa mang a ripa moriri wa gagwe, monnamogatša wa gagwe o na le tokelo ya go mo fa tlhalo. Thuto ya pepeneneng, eupša yeo ke Beibele.

⁹⁹ Gomme lena basadi, le ya ntle mo gomme le ripe jarata ya lena, le apare dioborolo, le diaparo tša monna. Gomme Beibele e rile, Ramaatlakamoka Modimo o rile, “Mosadi yo a tla aparago seaparo se se swanago le sa monna, ke makgapha, tšila pele ga Modimo.” Gomme le a e dira.

¹⁰⁰ Gomme le kgoga disekerete, le ya ditantsing le go dipontšho, gomme le sa le ba kereke. Le laetša le tšere mohuta wo mongwe wa selo se sengwe; ga se la swaiwa Legodimong, Moya wo Mokgethwa. Ka morago ga lebakana re tla tsena ka go seo, le go le laetša go fapano go feta seo. Bjale, seo e no ba selo se sennyane.

¹⁰¹ Gomme lena banna, le ya ka kerekeng, le sepela go theoga mekgotha ka sikara ka molomong wa lena, boka po-po poo ya Texas, e kgonotšwe dinaka. Gomme la hwetša . . . Ga ke bolele seo bakeng sa motlae. Ga ke dumele go go direng motlae ka phuluphithing. Ke re yeo ke Therešo. Le ya go theoga mokgotha, gomme le tla dula ka mafelong, le go aketsa, le go utswa, le go radiana seng sa lena, le matikone go poto ya kereke.

¹⁰² Le ya tlase ka dikerekeng le go bapala dipapadi tše tša kgale tša panko, seo ga se selo ka lefaseng eupša ya go tlwaelega, lotto ya tlase kudu. Yeo ke nnete. Gomme le a e dira, gomme morago le goeletša ka ga moperetiši. Le no ba ba babe, ka dikerekeng tša lena, lena Mamethodist, Mabaptist, le Mapentecostal, mang kapa mang le lego yoo a dirago seo. Yeo ke nnete. Gomme le a tseba yeo ke therešo. Eupša ke eng? Le pakela morago thwi boka mamagolena morago mošola. Tlwa selo sa go swana, gomme pitša e ka se bitše ketlele gore ke ye ntsho. Gomme go na le moyo woo wa dilo.

¹⁰³ Eupša ga ke selo kgahlanong le batho ba Katoliki. Ga ke selo kgahlanong le Methodist, goba Baptist, goba Presbyterian. Modimo o na le batho, Peu ya Abraham, ntle kua. Ga e kgahlanong le batho. Ke mabapi le dikerekeng tša bona, ba ikgatlofatša bonabeng fale, gomme ba rapela kereke sebakeng sa Modimo. Oo, lena Maprotestant ga le nyake go dumela seo, eupša le a se dira, go le bjalo. Ke tla re, “A o Mokriste?”

¹⁰⁴ Gabotse, fa e se kgale bottelele, Ngwanešu Bosworth o botšišitše mosetsana, o rile, “A o Mokriste?”

¹⁰⁵ O rile, “Mokriste? Ke tla go fa o kwešiše, ke tshuma kerese bošego bjo bongwe le bjo bongwe!”

¹⁰⁶ Gabotse, bjale lena Maprotestant le nagana seo ke se sengwe? “A o Mokriste?” “Ke tla go fa o kwešiše, ke nna Momethodist,”

goba “Mobaptist.” Gabotse, seo ga se re selo eupša o sepetše go tloga letšatšing la mogau, go wenamong, go nna; yeo ke nnete, ge seo e le sohle o lego, feela Momethodist goba Mobaptist. Ge o se Mokriste ka go yela Methodist, goba Baptist, goba kereke ya Katoliki, o lahlegile. Yeo ke nnete. Kafao go na le leswao la gago tlwa.

¹⁰⁷ Maswao bobedi ke a semoya. Bjale ke tla e netefatša go lena ka Beibele. Maswao bobedi ke maswao a semoya.

¹⁰⁸ Bontši bja batho ba naganne, “Ba ya go ya go dikologa le go bea thathu ye nngwe ka phatleng ya gago, gomme la bea thathu ka seatleng sa gago.” Re hweditše, bošegong bja go feta, seo e be e le maaka. Ee, mohlomphegi. Yeo ke phošo. Ke leswao la semoya. Le—le nno utama kudu. Gomme, lebelelang, makga a mantši . . .

¹⁰⁹ Bjale ke a tseba se se ka no ba go hloba mafofa a mantši, gomme go—go—go bonala go le bothata. Eupša e—e tla otlologa ge re no . . . le go fa Modimo sebaka se sennyane. Ga—ga ke re go ba yo mobe, eupša ke—ke no leka go bolela ntlha, ka pelo ya ka yohle.

¹¹⁰ Ge Jesu Kriste a bone kereke yela ya Protestant e ewa go tšwa go kereke yela ya Katoliki mošola, le go tšwela ntle le go ya thwi go otlologa morago, le go retologela morago gape feela ka tsela ye ba dirilego, O rile, “Moya o tla batamelana kudu, go fihla o tla fora le bona Bakgethiwa . . .”

¹¹¹ A le lemogile, bagwera ba Bakriste, gore molwalekriste, e lego leswao la sebata? Molwalekriste, e ka ba mang o a tseba gore molwalekriste fale, leo ke leswao la gagwe, ke . . . la maatla a gagwe. Gomme, le a bona, ke sebata, ke maatla. Go na le maatla a kereke ya Katoliki. Go na le maatla a kereke ya Methodist.

¹¹² Ke ile, mo e sego telele go fetile, go mokgomana yo mokaone kudu. Ge ke sa phoše, o dutše thwi fa ka kerekeng bošegong bjo. Gomme Edith Wright yo monnyane le bona ba tla kopanong thwi godimo mo, e sego dimaele tše masomepedi go tloga lefelong le. Gomme, rena, batho . . . Ke be ke no rera Ebangedi ya phološo. Re ile ra swanela go namela godimo ga dikoloi go fihla lefelong. Gomme bošegong bjoo, modiša o mpileditše ntle thwi, o rile, “Ke maswabi go go botša, Mor. Branham. Eupša ba mpoditše ba bile le batho tsoko ba go babja ba tlile ka fale, gomme monna wa rena wa selete a tsena gomme o rile, ‘Ga go phodišo Kgethwa ka kerekeng ya Methodist.’ Kafao o tla swanela go ya sefaleng, wa itloša wenamong, le go tlogela phuthego.” Yeo ke nnete.

¹¹³ Gobaneng? Maatla a kereke ya Methodist. Ao ke maatla a sebata. Kereke ya Baptist go swana; Campbellite, le Lutheran, le ka moka tšohle tša bona, le Pentecostal, tše mpe. Yeo ke nnete. Ke bile le batho ba Pentecostal . . . Gomme Assemblies of God e ile ka go khansele ya dikereke, e lego se—se . . . Ba nno ikgokaganya bonabeng thwi godimo fa, gomme le “mme” mmalegogwana wa kgale. Kafao kereke ye nngwe le ye nngwe ya mokgatlo e tšwa

Roma. Mmago yona šeo. Gomme ga ke mokgethwa wa Letšatši la Moragwana, goba Pula ya Letšatši la Moragwana, goba e ka ba eng le e bitšago. Ga ke nyake... Ga ke selo sa yeo.

¹¹⁴ Eupša ke ra se, gore banna le basadi ba swanetše go lokologa ka go Kriste Jesu, go sepela Seetšeng. Gomme kereke ye nngwe le ye nngwe e swanetše go ba selo sa go swana. Yeo ke therešo.

¹¹⁵ Bjale, elang se hloko, ka fao Beibe... Hwetšang seo. Mokgatlo wola, elelwang, fao ke mo o robetšego, thwi fao. Gomme re hwetša, gore ge kereke ya Katoliki e thomile morago kua, ba bile le kolobetšo ya boforane ba tlidego ntle le yona, go fafatša sebakeng sa go kolobetša. Ga go na Lengwalo le letee ka Beibeleng bakeng sa yeo. Gomme e sego feela seo, eupša Moya wo Mokgethwa, le kolobetšo ya meetse, le dibopego, le dithaetlele, le se sengwe le se sengwe gape, go no dira dikwero go ya kgonthe. Gomme ga go modiredi ka nageng, yoo a ka mpontšhago lefelo le letee moo seo se kilego sa dirwa ka go kereke ya pele. Yeo ke nnete. Ga e ka Beibeleng. Eupša ba tšwela ntle le yona, gomme re inama thwi fase go yona. Le bona moo re yago thwi morago gona?

¹¹⁶ Gomme lehono o makala gore ka baka la eng re se na le tsošeletšo. Fao ke se e lego sona, ngwanešu. Se re se hlokago lehono ke ye botse, ya nako ya kgale, tsošeletšo ya Mokgethwa Paulo, le Moya wo Mokgethwa wa Beibele morago ka nageng gape. Seo ke se re se hlokago. Bjale...

¹¹⁷ Gomme ba tšere "leswao la sebata," goba "leletere la leina la gagwe," leo ba le diretše seswantšho. Seswantšho e be e le mokgatlo go no swana le kereke ya Katoliki. Ba e kgatlofaditše le go dira seswantšho sa kereke ya Katoliki. Ke kereke ya Methodist ke seswantšho sa yona; kereke ya Baptist, kereke ya Presbyterian, kereke ya Pentecostal, kereke ya Holiness, Pilgrim Holiness, United Brethren? Ye nngwe le ye nngwe ye e kgatlofaditšego, e ekišitše go tloga fao. Ga se ya ke ya ba ka Beibeleng ya Modimo. Yeo ke nnete. Mekgatlo; go kgatlofatša!

¹¹⁸ Modimo ke moetapele. E tšeеле morago bokgole bjo o nyakago. Lebelela Israele, e etla godimo go tšwa Egepeta.

¹¹⁹ Gomme boMoaba bale bohle ba eme godimo fale, ba motheo, ba neela dihlabelo; dialetara tše šupa, tše šupa dip... dinku tše šupa, di bolela ka go tla ga Kriste; pholo tše šupa, moneelo wa go hlweka. Thwi fale, mopropfeta wa gagwe yo mogolo a eme ntle fale, Bileama, go rogaka Israele. Gomme go be go le Israele... Go be go le Moaba, setšhaba se segolo. Fao go be go le Baamoro le bohle, setšhaba se segolo, se beakantswe mmogo bjalo ka setšhaba.

¹²⁰ Gomme Israele e be e phatlaletše ntle kua mašišing a ditente le sehlopha sa ditente. Ba be ba le "baeti le basetsebje, ba nyaka Toropokgolo ye e tlago," kerekeleinamohlakanelwa ka go gagamala. Gomme ba dirile eng? Ba bile le maswao le matete a

ba latela. Ba ga se ba ke; gomme ba be ba na le mona ka bao. Yona e be e le meoya.

¹²¹ Modimo o tsea motho wa Gagwe, eupša ga se nke moyo wa gagwe. O tseri Eliya, gomme moyo wa gagwe o tlile godimo ga Elisa, mengwaga ye makgolo a mmalwa moragwana, o tlile godimo ga Johane Mokolobetši, o akanyeditšwepele gape mo letšatšing la mafelelo.

¹²² Diabolo o tsea moraloki wa gagwe, eupša e sego moyo wa gagwe. Morutiši yola wa go swana wa bodumedi yoo a ahlotšego Jesu Kriste ka lebaka la mehlolo le maswao le matete a Gagwe, le go fapania le Yena mo Lengwalong, o be a mpapatla go lekanela go tla le go Mmotša ka yona. Moya wola wa go swana o phela thwi tlase ka go morutiši wa kereke lehono....?...o beilwe ke Modimo go tla ka go kahlolo yela. Seo ke se Beibele e se boletšego. “Banna ba kgale, ba beetšwepele go kahlolo ye, go retollela mogau wa Morena wa rena ka go bobapu.” Yeo ke nnete tlwa. Ka go Juda, temana ya 3—ya 3 ya—ya Juda, le ka kgona go e hwetša. Yeo ke nnete.

¹²³ Elang hloko ka moka dilo tseo di a netefatša fao, gore fao go leswao la sebata. Fao ke mo le lego. Kafao ge o kitima go dikologa fa o re, “Gabotse, ke tla bontšha ge leswao la sebata le etla,” hlokomela gore ga se o be le lona. Gomme bao ba nago bjalo, ba tla otlwa ka mollong le sebabola, o tshollelwago ntle go tšwa go komiki ya bogale bja Modimo, go tlaišega mosegare le bošego, neng le neng le neng le neng. Ke selo sa go hlobaetša. Bjale go phonyokga ga gago bjang?

¹²⁴ Go ya go ba nako, ye e tlago thwi bjale. Elang hloko, gomme ka mokgatlong wola o sepela....Bjale a ke le feng tshebotšo ye nnyane mo. Ka mokgatlong wola o sepelelagoo tlase ka mokgwa wola, go tla nako moo o tla swanelago go ba wa mokgatlo wola goba o ka se kgone go reka goba go rekiša; goba go ba le leswao lela la bokgelogi, leswao la kereke. O swanetše go ba wa mokgatlo tsoko goba o ka se kgone go reka goba go rekiša.

¹²⁵ Gomme, theeletšang, go lena batho bao le tsebago se e lego Therešo. Ga ke re tlogang kerekeng ya lena. Ga ke bolele selo kgahlanong le ya lena...ka lena goba ka maloko a lena. Ke bolela ka motsemošate, morago kua ge ba kgatlofaditše selo, le go e dira, “Re ya go dira se. Re ya go dira sela.” Gomme ba beile molao wola wa tshipi. Gomme Modimo o e kgeiganya diripana, le go ntšha Kereke ya Gagwe thwi go tšwa go yona; ka mehla o e dirile.

¹²⁶ Lebelelang ka leetong la bana ba Israele. Ba agile mollo. Ba dutše bošego bjo bongwe le bjo bongwe. Pilara ya Mollo e lekeletše godimo ga bona. Gomme ga ke tshwenyege ke nako mang ya mosegare goba bošego e bilego ge Pilara yela ya Mollo e be e tloga, diphalafala di llile gomme Israele e be e rwala kampa gomme ya tloga. Ge e be e le bošegogare, iri ya bobedi

ka morago ga sekgalela, neng kapa neng ge e be e le, ba be ba rwala kampa gomme ba latela Pilara ya Mollo. A yeo ke nnete? Ba latetše Mollo.

¹²⁷ Gabotse, ge Martin Luther a bone Mollo wa Modimo o tšwela ntle, Martin Luther o tšwetše ntle, a latela Mollo go tšwa go Bokatoliki. Eupša o agile ka tlase fale le go kgatlofatša kereke ya gagwe, gomme ga se a kgone go šutha.

¹²⁸ Mollo o sepeletše thwi pele ntle, gomme Wesley o O bone, gomme šole o ile ka morago ga Wona. Yeo ke nnete. Mollo wa Modimo o tlogetše Luther a dutše. Ka gona, selo sa pele le a tseba, Wesley o agile ka tlase ga Wona, kereke ya Wesleyan ya Methodist.

¹²⁹ Gomme morago gwa tla Alexander Campbell, John Smith le Baptist, le go ya pele ka mokgwa woo, le Moody, le bohole bale. Ka gona, selo sa pele le a tseba, ba thoma go ba tirelotlwaelo, le dikgokgorothwana, go tonya, ge baprofeta ba kgale ba ehwa, le go ya pele. Sehlopha se seswa se se tla godimo e sego le selo eupša thuto ya seminari, gomme ka gona, selo sa pele le a tseba, diatla di tlie ka phaeng gomme tša e hlakahlakanya.

¹³⁰ Gomme Moya wo Mokgethwa o sepeletše ntle, gomme Pentecostal e O bone gomme ba ile kgole; thwi, o sepeletše thwi pele ntle, kgole go tloga go Mamethodist le Mabaptist, le go ya pele. Bjale selo se sešoro sa yona, eupša go phethagatša Lentšu la Modimo, Mapentecostal ba kgatlofaditše, gomme feela go tonya le ditirelotlwaelo bjalo ka ka moka tša tšona. Eupša, lebelelang, fao go ka se tsoge go bile lebaka le lengwe la kereke. Lebaka la mafelelo ke Lebaka la Kereke ya Laodikia, le le sa fišego le ge e le go tonya. Feel a ka ba bodumedi bja go lekanelo, ge mmino o bapala, go bina godimo le tlase ga mokgoba, gomme morago wa dula fase, wa ya gae gomme wa bolela ka moagišani wa gago.

¹³¹ Se re se hlokago lehono ke wa fešene ya kgale, Moya wo Mokgethwa, wa go rongwa ke Modimo go tšhuma, tsošeletše ye e tla go dirago o dule godimo ga sefahlego sa gago le go lla, mosegar le bošego, le go lla le go golola, le go tšwelapele, bakeng sa dibe tša lefase. Re tla tsena ka go yona. Yeo ke nnete.

¹³² Eupša šebale. Moo e no ba moo re fihlilego, bolelo. Modimo o rile, “Go no Ntira go belekega ka mogodung wa Ka! Ke tla no go tshwa go tšwa molomong wa Ka.” Yeo ke kereke, kereke ya Protestant, e gannwe. Kereke ya Protestant e gannwe; go tloga Pentecost go ya go Luther, nthathana ye nngwe le ye nngwe ya Yona. Lentšu la Modimo le bolela bjalo.

¹³³ Eupša go tšwa go ye nngwe le ye nngwe ya dikereke tšela, O tšere Bakgethiwa. O tšere Peu go tšwa go ye nngwe le ye nngwe, go tšwa go Methodist, Baptist, Presbyterian, Lutheran, gohle go kgabola kua, Katoliki, le tšohle. O tšere mašalela, o tšeetše batho ntle.

¹³⁴ Fa e se kgale botelele, mohumagadi yo monnyane o robetše thwi fa ka Louisville, Mokatoliki, a ehwa. Ke ile godimo kua. Gomme moprista o rile, “Ditšiebadimo, go selo se sebjalo!”

Gomme monnamogatša wa gagwe a re, “Šuthelang ka thoko. A a tle ka gare.”

¹³⁵ Ke sepeletše ka kua. Gomme mosadi o be a swanetše go be a hwile mosong wo o latelago. Ge ke be ke mo rapelela, pono ya tšwelela pele, gomme ya re, “O RIALO MORENA.” Seo ke therešo. Mosong wa go latela . . . Ke mmoditše e tla ba diiri tše kae, feela tlwa go mothalo, ge a be a tla eya gae a fodile. Ba e segile, go kwera. Gomme yona iri ya go swana Moya wo Mokgethwa o boletšego, o ile gae mosadi yo a fodilego, gomme o gabotse lehono. O be a le Mokatoliki. Ba be ba le Mokatoliki. Ba be *ba le* Katoliki.

¹³⁶ Ge o amogela Seetša . . . Ka go Testamente ya Kgale . . . A nke ke le bontše leswao bjale. Theetšang kgauswi, gona ke ya go otloga go sehlogo sa ka. Lebelelang, ka go Testamente ya Kgale, ge lekgoba le be le le ka tlase ga bokgoba, gomme morago o bille . . . O be a rekwa godimo fale, ka tefo. O be a swanetše go direla mong yoo go fihla ngwaga wa megobo. Gomme ge ngwaga wa megobo o etla, fao go be go letšwa phalafala.

¹³⁷ Gomme ge lekgoba le be le le ntle kua, yena le digotlane tša gagwe, gomme mosadimogatša le bohle ba bona ba nyaka go boela nagalegaeng ya kgale. Ba be ba gataka ka mašemong, gomme mogapeletši a ba itia, le ka tsela *ye* le ka tsela *yela*. Gomme ka gona ge moprista wa megobo a etla go feta, a galagatša phalafala, gomme moprista yola o galagaditše phalafala, gomme monna yola o kwele phalafala. O be a kgona go uša mogoma wa gagwe, o be a kgona go uša eng kapa eng a bego a e dira, a lebelela sefahlego sa mogapeletši, le go re, “O ka se kgone go ntia nako ye nngwe gape. Ke lokologile.” A sepelela kgole gomme a ya gae. Gobaneng? Go ne go gala ga megobo, ge ba kwele modumo.

¹³⁸ Gomme yeo ke Ebangedi, megobo, gore o lokologile go tšwa sebeng. O lokologile go tšwa go mekgwa yohle ye ya ditšila le dilo tseo lefase le di tšweleditšego fa ka leina la bodumedi, ka tlase ga bobedi Protestant le Bokatoliki, ka tlase ga leswao la sebata. Yeo ke nnete. O lokologile.

¹³⁹ Ga wa swanelo go ba. Eupša gona ge monna yola a ganne go amogela yeo, gona monna yola o be a tšewa go tloga fale go ya go kota ya aletara ya kereke, gomme a ba le leswao le bewa godimo ga gagwe, a thubula lešoba tsebeng ya gagwe. Gomme o be a le mohlanka wa mong yoo ge feela a be a phela.

¹⁴⁰ Gomme o gana go amogela Seetša sa Ebangedi ge Se rerwa ka Maatla a Moya wo Mokgethwa, ka Beibele, o ka kgona go itswalelela wenamong go bofihlo bja gago bja Gosafelego. Amene.

¹⁴¹ Bjale lebelelang, selo se tee gape se sennyane, ge le ka ntshwarela go direng tshwayo yeo dinakwana di se kae tša go feta, mabapi le—mabapi le monna. Eupša, lebelelang fa, “Go fora bona Bakgethiwa . . .”

¹⁴² Bjale, re be re itia Lutheran, Baptist, le go ya pele, le Makatoliki, bjale a nke ke ye tlase go lena batho ba bokgethwa motsotsotso feela. Le a bona? Ke dumela go bokgethwa. O swanetše go ba yo mokgethwa. “Ntle le bokgethwa ga go motho a tla bonago Modimo.” E sego bokgethwa bja ka; bokgethwa bja Gagwe. Gomme ga go selo nka kgonago go se dira ka yona; ke se A ntiretšego. Ga ke eme ka go bja ka mong, gobane ga ke nabjo, ebile le go leka go ba le e ka ba bofe. Ga ke leke go—go ba.

“A o leka go swarelala, Ngwanešu Branham?” Aowa, mohlomphegi.

¹⁴³ Ke no lokolla, gomme ka Mo dumelela go swarelala. Yeo ke nnete. Ke Yena Yo a swareletšego pele. E no dula o hwile, seo ke sohle o swanetšego go se dira. E no tšwelapele wenamong o hwile, O tla swarelala. O šetše a swareletše. O swere fale go fihla A rile, “Go fedile.” Seo se e rumile. Modimo o re dumelela go e dira, go swana. Go fedile.

¹⁴⁴ Eupša, batho ba bokgethwa, lena Manazarene le Mapilgrim Holiness bjale, elelwang. Ka tlase ga maatla le go tšwela ka ntile ga kereke ya Wesley, goba kereke ya Methodist, ge ba kgatlofaditše, lena batho ba go ratega ba bokgethwa tšwelang ntle, le rile, “Re tla tšwelapele bokgethwa.” Seo se be se makatša. Le nno boloka lebaka lela, Lebaka lela la Filadelifia, go fihla le etla go Laodikia. Eupša ge kolobetšo ya Moya wo Mokgethwa e etla, gomme maswao a retologetše morago go kereke, le e biditše “diabolo.” Gobane ba boletše ka maleme gomme ba dumetše go dilo tše, le rile, “E be e le ya diabolo.” Gomme ge le dirile seo, le rogakile Moya wo Mokgethwa.

¹⁴⁵ Nka kgora bjang go re go seatla sa ka, “Ga ke go hloke”? Ge go na le barutiši, go na le go bolela ka maleme. Ge go na le baebangedi, gape go na le dimpho tša phodišo. Leoto le ka kgora bjang go re go leihlo, “Ga ke go hloke”? Le a bona? Wena, ge o le ngwana wa Modimo yo a tswetšwego, o a sepela gomme wa amogela se sengwe le se sengwe Modimo a se bolelagore se lokile. O tla sepela thwi ka Seetseng.

¹⁴⁶ Ge e be e le nako ya Kereke go sepela, Luther o sepetshe. Ge go etla nako go Kereke go sepediša seatla sa Yona, Wesley o sepedišitše seatla. Ge go etla nako go Kereke go bolela, Pentecost e tlide go lefelotiragalo. Yeo ke nnete. Eupša, bjale, hlokamelang.

¹⁴⁷ O re, “Gomme sekai?” O re, “A fao go na le sekai sa seo?” Ee, mohlomphegi.

¹⁴⁸ A le a lemoga gore Judase Iskariot, molwalekriste wa kgonthe, o be a le monna wa bodumedi kudu? A le lemogile seo?

Ba bile le boitshepo bjo bontši kudu ka go yena, baena, go fihla a be a le ramatlotlotlo wa kereke.

¹⁴⁹ Gomme Judase Iskariot o ile a lokafatšwa ka tumelo, a dumela go Morena Jesu Kriste.

¹⁵⁰ O be a hlwekišitšwe ka Lentšu. Bahebere, 17:17... ke ra, Mokgethwa Johane 17:17, “Ba hlwekiše, Tate, ka Therešo; Lentšu la Gago ke Therešo.” Gomme O be a le Lentšu.

¹⁵¹ Gomme ba filwe maatla go ya ntle le go rera Ebangedi, le go lelekela bodiabolo ntle, le go fodiša balwetši. Judase Iskariote, Mateo 10, o boletšwe magareng ga bona. Gomme ba ile ntle le go lelekela bodiabolo ntle, le go rera Ebangedi ka tsela ye bjalo go fihla badiradibe ba sokologile le bodiabolo ba tlogile. Gomme ba tla morago ba thakgetše le go goelela, le go ba le nako ye kgolo, boka ye nnyane, kopano ya kampa ya bokgethwa. Gomme Judase o be a na le bona thwi. Yeo ke nnete tlwa, thwi mmogo le bona.

¹⁵² Eupša ge go etla nako ya Pentecost, Judase o laeditše mmala wa gagwe.

¹⁵³ Fao ke moo kereke ya bokgethwa e bontšhitšego mebala ya yona, thwi fao, le go ya thwi go dikologa le go gana wona Moya wo Mokgethwa wo o bego o ba hlahlela go ya ka meetseng a go teba, ba retologile thwi go dikologa gomme ba O gana.

¹⁵⁴ Ke a tseba ba na le bontši bja bohla-... Ga se nna Pentecost. Ga se nke ka ba wa mokgatlo wa Pentecostal, le neng. Ke eme makgatheng. Ga se nna Mopentecost, Momethodist, Mobaptist. Ke no ba Mokriste wa Beibele. Seo ke phetho. Ke dumela se Lentšu le se bolelago. Gomme nka se kgone go gana mpho ya go bolela ka maleme; ge ke dira, ke tla gana go ruta le ye nngwe le ye nngwe mpho ye e šušumeditšwego. Yeo ke nnete. Ga se nke ka tsoge ka dumelana le baena ba Pentecostal ka “bohlatsa bo nnoši,” bja go bolela ka maleme. Ga ke dire seo. Bjale, seo se lokile, ge ba e dumela ka tsela yeo. Yeo ke taba ya bona, le a bona, eupša seo se lokile ka go phethagala. Ke... Paulo o rile, “Ke tla rata gore lena bohole le bolele ka maleme.” Ke tla rata go bona yo mongwe le yo mongwe a le kgaušwi le Modimo.

¹⁵⁵ Ba na le bontši bja meikapo, bontši bja tumelo ya bofora. Ba tšwetše ntle kua, dinako tše ntši, gomme ba dira mo o ka rego ba be ba na le Moya wo Mokgethwa, le go bolela se sengwe seo se bego se se go bolela ka maleme. Bophelo bja bona bo netefaditše se bo bego bo le. Eupša go bile le athekele ya kgonthe ya mmapale e kgatlampana feela go swana, nako yohle.

¹⁵⁶ Gabotse, gobaneng diabolo a se a lahlela mogwera ntle, tšeletši ya legokubu? Kgonthe, o tla dira, go leka go šitiša. O lahletše ntle selo sa go swana ka bokgethweng. O lahletše ntle selo sa go swana ka go Methodist. O lahletše selo sa go swana ka go letšatši la Luther. Gomme o lahlela selo sa go swana ntle

lehono. Gomme ka tlase ga maatla a dimpho, a phodišo Kgethwa le ditlhatho, o lahlela dilo tša go swana ntle.

¹⁵⁷ Eupsa setšhošetši se ra eng go wena, ge o ka kgona go bolela polelo ya nonyana? Dinonyana di re, “Ge ke bona setšhošetši, yeo ke thekethe ya dijo. Diapola tše kaonekaone tše di lego gona, di thwi go dikologa moo dithoka tšohle di letšego le ditšhošetši di lekeletše godimo.” Yeo ke therešo.

¹⁵⁸ Eupsa le bona ka fao moyo wola o sepeletšego thwi godimo fa. Gomme Jesu o lebeletše gomme o bonepele gore ka kereke yela ya Katoliki, e tšwela ntle. O rile, “Le se bitše motho tate. Le se šomiše go toute ga lefeela, dilo tše tšohle.” O tšwetše ntle gomme o rile, “Bjale hlokomalang, molwalekriste o tla batamelana kudu go fihla a tla fora le bona Bakgethiwa ge go kgonega.”

¹⁵⁹ Lebelela, ngwanešu, ke dikgarebe tše kae di ilego go kopana le Morena? Lesome. Bohle ba bona ba be ba le kgarebe. Na tlhwekišo e ra go reng? “Wa go hlweka, mokgethwa, kgarebe.” Lesome la bona ba be ba le dikgarebe. Tše hlano di be di se ne Oli ka leboneng la tšona. Tše hlano di be di ne Oli ka leboneng la tšona. Tše hlano tše di be di no ba tše kgethwa le kgarebe bjalo ka ge tše di be di le. Eupsa Oli e emela eng, ka Beibeleng, moo re e tserego bošegong bja go feta, bošego pele? Moya, “Moya wo Mokgethwa.” Ba tlhwekišitše godimo bonabeng le go dula fale, eupša ba be ba boifa le go ema morago go tšwa Mothopong woo o tšhologilego ka Oli. Le a bona, ba ikgatlofaditše bonabeng le go aga, gomme šebale fale, bolelo. Ke moo lebaka la kereke le ilego.

¹⁶⁰ Bjale, bjale re tla go leswao la Modimo. Ke na le metsotso ye masometharo, Morena ge a rata. Bjale ke nyaka le phetle le nna, pele, le go hwetša go bohlokwa bjang, leswao le la Modimo.

¹⁶¹ Elelwang se leswao la sebata le lego sona; e sego bokomonisi. Leswao la sebata le tšwa Roma, go kgabola lefase; Bokatoliki, le Boprotestant bo tšoenne ka go bjona, bodumedi bja go beakanywa. Gomme ba ya go dira dikereke yunione go fihla kereke ye nngwe le ye nngwe e tla swanela go khunamela selo seo, dikerekemainamohlakanelwa tša ren a di ragelwa ka thoko ga mothalo. Yeo ke nnete.

¹⁶² Kutollo tema ya 9 bjale. A re baleng sekgauswi ka kgonthe mo dinakwana di se kae, ge Modimo a rata, le go bona se A se boletšego ka go Lentšu la Gagwe. Bjale...[Ga go selo go theipi—Mor.]...ya—ya Kutollo, gomme temana ya 4. Theetšang se.

Gomme go laetšwe bona (ge ba bone dikotlo di tšhollwa) gore ba se ke ba gobatša bjang goba mehlare...le ge e ka ba eng selo se setala, le ge e le mohlare e ka ba ofe; eupša...batho bale ba se nago leswao la Modimo ka phatleng ya bona.

¹⁶³ Ge dikotlo di be di etla, selo se nnoši se šireleditšwego e be e le bao ba swaetšwego ka Mmušong wa Modimo. Ye ke kahlolo ya go nyakišiša, ge banna . . . Gomme ge Modimo a ka nthuša, mo metsotsong e se mekae re tla e netefatša ka Lentšu la Morena, gore ye ke nako ya go swaya ga lefelo. Gomme bao ba O gannego, ga go selo se šetšego eupša kotlo ya Gosafelego.

¹⁶⁴ Bjale re tla ya godimo ka go Testamente ya Kgale. Gomme a re yeng godimo fa, ge le ka dira, go Puku ya Hesekiele, ge le ka dira, gomme a re baleng nakwana ka go Hesekiele 9. Bjale, ka thušo ya Modimo bjale, a nke A re thuše. Gomme dulang fase bjale bakeng sa thuto, feela bakeng sa metsotso ye masometharo ya go latela, ge Modimo a rata. Bjale se se amana, le a se swaya, Hesekiele 9, se se amana . . .

¹⁶⁵ Selo sa pele re swanetšego go se fetša bjale, Leswao la Modimo ke eng? [Lefelo la go se be le selo godimo ga theipi—Mor.] A ga le nagane seo se tla ba bohlokwa? [Phuthego e re, “Amene.”] A Beibele e lokile go lekanelia Lentšu go lena? [“Amene.”] Bjale ke a tseba le na le seo, bao ba rego, “Go boloka letšatši la sabatha,” eupša ga go le tlhasana e tee ya Lengwalo go thekga seo, ka go Testamente ye Mpsha. A re hwetšeng gore Leswao la Modimo ke eng, go le bjalo. Phetlang go Baefeso 4:30, 4:30, le 1:13. E ngwaleng fase. Baefeso 4:30 e re:

...le se ke la nyamiša Moya wo mokgethwa wa
Modimo, wo le swailwego ka wona go fihla letšatši la
topollo ya lena.

¹⁶⁶ Bjale, go swaya go ra eng? Go swaya ke “leswao la phetšo.” A yeo ke nnete?

¹⁶⁷ Gabotse, a le kile la bona ralawene a laiša dikoloi? O tla ya ntle gomme o tla bea bontši kudu *fa*, le bontši kudu *fa*. Mohlahlofi o tla kgauswi, o lebelela ka gare; gomme ge *ye e* hlephile gannyane, e a tekateka, “Aowa. Nka se e tswalele. Ke swanetše go e kgeilela ntle le go e dira gape.” Selo sa go latela, o tla leka go se laiša gape; o tla hwetša se phošo. Mohlahlobi o tla kgauswi, “Phošo. E dire gapegape.”

¹⁶⁸ Gomme seo ke se Modimo a bego a se dira ka kereke ya Gagwe nako ye telele. O tla laiša godimo, gomme o ya Legodimong; o tšeа se sengwe le se sengwe le wena. Dipapadi tša lena tša dikarata, huh, selo se sengwe le se sengwe o ka kgonago go se laiša ka kerekeng, o leka go se tšeа le wena. Modimo o no se ahlola; ga sa lokela go tswalelwā.

¹⁶⁹ Eupša ge Modimo a bona motho, ka boitsholo, moyo wa go robega, go hlokofala ka pelong, tlase mo aletareng, Modimo o tswalela mojako wa lefase go yena, le go mo tswalelala ka kua ka kolobetšo ya Moya wo Mokgethwa, gomme e tšeа go fihla Jesu a etla; e sego go tloga tsošeletšong go ya go ye nngwe, eupša, “go fihla letšatšing la topollo ya lena.”

¹⁷⁰ Ge lepokisi lela la koloi, mojako, o tswaletšwe, gomme leswao la mmušo le bewa godimo ga lona, le ka se kgone go bulwa gape go fihla le fihla bofihlo bja lona bja mafelelo.

¹⁷¹ Gomme motho yo mongwe le yo mongwe yoo a tswetšwego gape le go tswalelelwa ka go Mmušo wa Modimo, ga a sa na kganyogo ya lefase go fihla letšatši Jesu Kriste a mo tseela ka Mmušong. Kafao ge o ne bothata, gomme o re o ne Moya wo Mokgethwa; ge eba o wa kereke ya Methodist, kereke ya Baptist, kereke ya Pentecostal; ge eba o goleeditše, o boletše ka maleme; o kolobeditše pele, morago, o fafaditše; ge o sa na le yona mehuta ya mathata, bokaonana o tle morago gomme o hlodišiše go morwalo. Yeo ke nnete. Tsea bontši kudu le wena; go hlephile kudu, go a tekateka. Modimo a ka se e tswalele ka tsela yeo.

¹⁷² Ge thoro ya korong e wela ka lefaseng, ga go kgathale... Ge thoro yela ya korong e ehwa go yonamong, e ka se kgone go tšweletša mogomarelakgapana, go phološa soulo ya yona. Thoro ya korong e tla tšweletša thoro ya korong, feela ka kgontha bjalo ka e ka ba eng. Gomme ge re bjalu ka Peu ye e sa senyegego ya Modimo, E ka kgona bjang go tšweletša eng kapa eng eupša bophelo bja Bophelo bja Kriste?

¹⁷³ Moya wo Mokgethwa o etapele Kereke, o E etapele ka Maatla a tsogo ya Jesu Kriste, gomme le tswaleletšwe go fihla letšatši la topollo. Yeo ke Beibebe. “Le se ke la nyamiša Moya wo Mokgethwa wa Modimo, wo le swailwego ka wona go fihla letšatši la topollo ya lena.” Baefeso 4:30.

¹⁷⁴ Bjale, pele Moya wo Mokgethwa o ka tsoge wa tla, o tswaleletšwe pele lebaka la Bantle le ka tsoge la thoma. O tswaleletšwe ka tlase ga tšona dihlomakerese tša gauta re bile le tšhate, go e hwetša, morago kua ka tlase ga lebaka leo.

¹⁷⁵ O tšwetšepele a tlaetšana le bona tlase ka Abraham, Isaka, Jakobo, Dafida, le bohole go theoga go kgabola lebaka la leswiswi leo ba bilego le lona matšatšing a Ahaba, go ya pele go theoga, Salomo, go ya pele, go fihla e etla ntle ka go seemo sela sa bolelo. Eupša feela pele A tswalela lebaka leo fao, O file bokwala bjo bogolo bja Moya wo Mokgethwa go Bajuda ba nnoši, “Le se ye ka tsela ya Bantle, eupša eyang go dinku tše di lahlegilego tša Israele.” A yeo ke nnete? “O tlide go ba Gagwe Mong, gomme ba Gagwe Mong ga ba Mo amogetšego.”

¹⁷⁶ “Eupša ba bantši ba ba Mo amogetšego, O ba file Maatla go ba mahlogedi a Modimo.” O rile, “Ke ba fa Bophelo bjo Bosafelego.” *Bophelo* bjo Bosafelego bo tšwa go lentšu la Segerike la “Zoe.” Zoe ke Bophelo bjola. Zoe ke Bophelo bja Modimo. Gomme ge Bophelo bja Modimo bo phela ka go wena, bo tšweletša bophelo bja bomodimo feela ka kgontha bjalo ka ge ke eme ka go sefala se. Gomme motho yo a Bo hweditšego, a ka se kgone go senyega gape go feta Modimo a ka senyega, gobane Modimo o ka go motho. Amene. “Yo a kwago Mantšu

a Ka, gomme a dumela go Yo a Nthomilego, o ne Bophelo bjo bosafelego, gomme a ka se tle kahlolong; eupša o ne Bophelo bjo bosafelego.” “Yo a jago nama ya Ka gomme a nwa Madi a Ka, Ke tla mo tsoša mo letšatšing la mafelelo.” Leo ke Lentšu la Gagwe. A khomotšo go modumedi! Gomme a kahlolo go bao ba ganago go sepela ka Seetšeng!

¹⁷⁷ Go ba borutho, a ga se yona? Go lokile, Go le loketše. Hlokamelang, bonang ge eba se ke therešo. Ngwanešu, re ka e tšea, Lengwalo ka morago ga Lengwalo, beke ka morago ga beke, beke ka morago ga beke, le go dula go ye, go rarela . . . thuto ya go swana, bakeng sa ngwaga, go le bjalo ba sa e goge go tšwa go Beibebe, yohle ya yona, gomme thwi go selo sa go swana.

¹⁷⁸ Bjale feelsa bakeng sa makgoraditsela go gonniane fa, re ya morago le go hwetša se go gana kolobetšo ya Moya wo Mokgethwa go se rago go lena, se e bego e se ra go bona ka letšatšing.

¹⁷⁹ Bjale, ka go Hesekiele tema ya 9, moprofeta o bone Jerusalema. Bjale elelwang, re bolela godimo ka go sekgala sela kua, Bajuda, feelsa pele ga bofelo bja bona godimo.

¹⁸⁰ Bjale re ka go Bantle, mafelelong a bona. Gona re ya ka go Mileniamo. Go lokile.

¹⁸¹ Eupša bjale šetšang, le fetša Bajuda bjale. Moprofeta o e akanyeditšepele. Ye e sa le mengwaga ye lekgolo, e ka ba mengwaga ye makgolo seswai, pele ga go tla ga Morena, gomme go profetilwe ke moprofeta. Bjale theetšang sekgauswi ge re bala.

O hlabošitše gape ka ditsebeng tša ka ka segalontšu se segolo, a re, Dira bona ba ba nago le taolo godimo ga toropokgolo go batamela kgauswi, gomme monna yo mongwe le yo mongwe ka sebetša sa go bolaya, goba sebetša sa go senya ka seatleng sa gagwe.

¹⁸² Bjale šetšang sekgauswi bjale ge re bala.

Gomme, bonang, banna ba tshela ba tlide go tšwa . . . kgorong ya godingwana, ye e robetšego go ya leboa, gomme monna yo mongwe le yo mongwe sebetša sa go bolaya ka seatleng sa gagwe; gomme mo monna magareng ga bona, ka diaparo tše tšhweu, a apere ka mašela, ka lenaka la enke ya mongwadi ka lehlakoreng la gagwe: gomme ba ile . . . gomme ba eme pele, hleng le aletara ya mphiri.

Gomme letago la Morena Modimo wa Israele le be le ile godimo go tšwa go mokerubi, moo a bego a le gona, go ya go bofelo bja ntlo. Gomme o biditše monna yo a aperego ka leokodi, yo a bilego le lenaka la enke ya mongwadi ka lehlakoreng la gagwe; (Theetšang.)

Gomme MORENA o rile go yena, Eya go kgabola bogare bja toropokgolo, go kgabola bogare bja Jerusalema, (boyo go Jerusalema), le go bea leswao godimo ga phatla ya batho bao ba fegelwago gomme...ba llela... makgapa... a dirilwego bogareng bja yona.

Gomme ka gona go ba bangwe o boletše ka tsebeng ya ka, Eyang...ka morago ga bona go kgabola toropokgolo, gomme le rathe: gomme leihlo la lena le se gaogelete, ebile le se be...lešoko:

Bolayang ba bagolo ka go felela le baswa, bobedi methepana,...bana ba bannyane, le basadi: eupša le se batameleng go e ka ba ofe godimo ga gagwe...leswao; gomme o thomile ka se sekgethweng. Gomme...go thoma ka motala wa banna yo a bego a le pele ga ngwako.

¹⁸³ Bjale šetšang moprofeta ka Moyeng, o tšeetšwe godimo ka Letagong. Modimo o rile, “Ke ya go go bontšha ka fao Ke yago go e ruma le Bajuda, pele ke etla go Bantle.” Balang temana, goba tema pele ga yona. Bjale, ge a etla ka fale, o rile, “Ke bone...” Sa pele, o bone sebe ka toropongkgolo, go swana le ge a se a ke a se bona pele, gomme a bona Jerusalema. Bjale elelwang, e be e lebišitšwe feela go Bajuda, e sego Bantle; Mojuda, le motsemošate wa bona, Jerusalema. Go no swana le bošego bja go feta, re bile le bjona bo lebišitšwe go Maprotestant; bjale, bošegong bjo, ke go Mojuda. O rile, “Eyang go kgabola toropokgolo.” Fa go tla banna ka dibetša tša go bolaya ka seatleng sa bona, ba eya pele go bolaya se sengwe le se sengwe ka toropongkgolo. O rile, “Bjale e no e swara, motsotso feela.”

¹⁸⁴ Gomme go tšwa fao go tlie Monna a apere bošweu. A re emeng motsotso. “A apere bošweu,” toko, bokgethwa. “A apere bošweu,” Yo a bilego le lenaka la enke ka lehlakoreng la Gagwe. O rile, “Eyang go kgabola toropokgolo pele, pele ba etla, le go bea leswao godimo ga phatla, leswao godimo ga phatla ya monna yo mongwe le yo mongwe, mosadi, mošemane, le mosetsana, ka toropongkgolo, bao ba fegelwago le go llela makgapa ao a dirwago ka toropongkgolo, bakeng sa dibe tša batho.” Beang leswao godimo ga bona!

¹⁸⁵ Gomme ka gona, ka morago ga ge A ile go kgabola le go maraka, O boile morago le go re, “Go dirilwe.”

¹⁸⁶ Morago O rometše banna, o rile, “Eyang pele, gomme le se šie selo, eupša ka go felela le bolaya se sengwe le se sengwe seo se se nago leswao lela godimo ga sona.”

¹⁸⁷ Lebelela mo, ngwanešu. Moswai yola e be e se se sengwe go feta Moya wo Mokgethwa.

¹⁸⁸ Gomme hlokamelang, ge A etla Jeffersonville, bošegong bjo, go Tabarenekele ya Branham, goba tabarenekele e ka ba efe ye

nngwe ka toropongkgolo, goba kereke e ka ba efe ye nngwe, ke mang A tla beago leswao godimo ga gagwe, yo a bego a hlokoftše kudu le go botega pele ga Modimo gore ba llile le go lla, le go rapela mosegare le bošego, bakeng sa sebe sa toropokgolo?

¹⁸⁹ O tla dira eng go bareri bao ba dumelelago basadi ba bona go tšwela ntle fa ka disutu tša go rutha, le go ngangologela ntle ka dišothi, le go sepelela godimo le tlase mekgotheng; le go opela ka khwaereng, le go penta godimo le go dira bjalo ka boIsebele. Gomme ge... Banna ntle fale, ba kgoga, le go nwa, le go ya pele, le go kempola, le se sengwe le se sengwe gape! Gomme ba dira mo o ka rego ba be ba sa amege ka yona; ba eya go matena a magolo a kgogo, goba phathi ye nngwe moo. Ba dula gae ka Laboraro mašego gomme ba lebelele thelebišene, sebakeng sa go tsenela kopano ya thapelo. Nakong ya selemo, ba tswalela kereke, bakeng sa ditirelo. O tla swaya eng?

¹⁹⁰ Se re se hlokago, bošegong bjo, ke bontši bja boebangedi bjo bja Hollywood bo bo kgamega fase! Gomme ya fešene ya kgale, tsošeletšo seromelwa ke Modimo, banna le basadi ba ba yago fase aletareng! Le go tlogela go šikinya diatla go, le go swara diatla godimo, le go ba fafatša, le go kolobetša sefahlego ka sapele, ka samorago, le tšohle dibopego tše dingwe tše nnyane tše le diism. Gomme re ya tlase go wa nnete, wa boitsholo, moyo wa go robega, moo sebe se lego. Hlakanya tšeо mmogo, gomme o thome go sello sa fešene ya kgale, sa ngwana wa go tswalwaleswa. Amene. Woo ke mohuta o hwetšago Moya wo Mokgethwa. Yeo ke nnete.

¹⁹¹ Ga go kgathale ge eba ke Methodist, Baptist, goba Makatoliki, goba e ka ba eng ba lego! Ge ba etla pele ga aletara yela le go lla, mosegare le bošego, "O Morena Modimo, lebelela dibe tša toropokgolo ye! Pelo ya ka e ka se kgone go khutša! Nka se kgone go khutša, Morena, go bona dilo tše di eya pele. O Modimo, dira se sengwe! Re romele tsošeletšo ya fešene ya kgale," o mo mothalong wa mollwane wa go hwetša Moya wo Mokgethwa gona, ngwanešu!...?...

¹⁹² Eupša ge o sepelela godimo kua ka baka la gore o tabogetše godimo le fase, goba ka baka la gore o binne ka mmimo, goba ka gobane o dirile se sengwe gape; gomme o sepetsé go dikologa le go foka, le go se amege, le go senya, le go baka, le go tšoena kereke, le go taboga go tloga lefelong go ya lefelong; go laetsa gore ga o na le selo mathomong.

¹⁹³ Ngwanešu, seo, seo ke sehlare se sebotse sa go tia, eupša ka nnete se tla go lokiša. Seo ke therešo. Ee, mohlomphegi. O tla le tliša ntle, ntle le wa go fokola magareng ga lena.

¹⁹⁴ Boka Moshe. Ke tla rata go lebelela ka go sebeba sa dihlare sa gagwe, a o ka se ke? O bile le dimilione tše pedi tša batho ntle kua. A o ka rata go bona ka go sebeba sa dihlare sa Moshe, se a bilego le sona? Bona bohole bakgalabje, le makgolo a masea a mannyane ba tswetšwego bošego bjo bongwe le bjo bongwe, le batho ba

go golofala, le batho ba go babja. Gomme ge a tšwela ntle, ka mengwaga ye masomenne, go be go se le yo motee—yo motee wa go fokola magareng ga bona. A ba bangwe ba lena dingaka le ka se, le dutšego fa bošegong bjo, rate go bona ka go sebeba sa dihlare sa gagwe?

¹⁹⁵ A re lebeleleng ka go sona gomme re bone se e lego sona. Bjale lebelelang morago. Re tla hwetša ntle. “Ke nna Morena yo a go fodišago.” Yeo ke yona. “Amene.” Seo ke se e bego e le sona. “Ke nna Morena yo a go fodišago.” O re go ya go ba lesea le tswalwa. “Ke nna Morena yo a go fodišago.” O na le nyumonia. “Ke nna Morena yo a go fodišago.” Yeo ke taelotšhomiso e nnoši a ka kgonago go e fa. Yeo ke yona e nnoši a bego a e hloka. Yeo ke yona e nnoši a bilego le yona. Yeo ke ye Modimo a mo filego yona.

Nnete, lehono, “Oo, ga re dumele go Leo. Aowa, leo . . .”

¹⁹⁶ Modimo ga a tsoge a fetoga. O a swana. Ge moyo wo, o tšwelagopele ka tsela ye batho ba dirago lehono, ka tlase ga leina la Bokriste, o dirile Modimo a belekege ka mogodung wa Gagwe morago fale, go be go le “makgapa” go batho go dira seo, ke makgapha lehono. “Jesu Kriste wa go swana maabane, lehono, le go ya go ile.” Oo, ke ikwela bodumedi.

¹⁹⁷ Elang hloko, “Eyang mo,” O rile, “Le ya go kgabola toropokgolo gomme O bea leswao godimo ga bona ba ba fegelwago le go lla bakeng sa makgapa a a dirwago ka toropongkgolo.” Gomme ka gona O rile, “Morago ga ge O dirile seo,” O lokolotše banna ba ka dibetsa tša go bolaya pele, gomme ba ile pele le go bolaya se sengwe le se sengwe.

¹⁹⁸ Bjale, rahistori, nakwana feela. Jesu o tlide ka nameng; Modimo, a bonagatšwa ka nameng. “Modimo o be a le ka go Kriste, a boelanya lefase go Yenamong.” Gomme ge A etla ka nameng, O ile go dikologa a ruta. Ba Mmiditše, “Beletsebubu; mmolelelamahlatse.” Ba dirile metlae ka Yena, ka tswalo ya Gagwe, se sengwe le se sengwe gape; ba Mo ganne, ba Mo lahletše ntle.

¹⁹⁹ O rile, “Mang le mang a bolelago kgahlanong le Morwa wa motho, e tla lebalelwya yena, eupša mang kapa mang a bolelago kgahlanong le Moya wo Mokgethwa, e ka se tsoge ya lebalelwya yena, ka go lefase le goba go lefase le le tlago.”

²⁰⁰ O biditše Bajuda ba se nene mmogo. Ga se A ye go Bantle. O ile go Bajuda. O rometšwe go Bajuda; e be e se lebaka la Bantle. Kerese ya mafelelo e be e tuka ka go lebaka la Bajuda, gomme O ile kua. Gomme go be go le batho ba se bakae ba ba Mo amogetšego, babilėšwantle.

²⁰¹ Feel a tlwa boka go le lehono. Feel a bjalo ka ge Moya wo Mokgethwa o bolela go tšwa go Jesu Kriste, o o bileditše ntle nako yeo; kafao Moya wo Mokgethwa o bolela go tšwa go Jesu Kriste, o biletša ntle, lehono.

²⁰² Ba dumetše tša kagodimogatlhago. Ba šeditše Moetapele wa bona. Ba Mo šeditše. Ba tsebile O be a le Kgoši ya baprofeta. Ba tsebile e ka ba eng A bego a le. Se A se boletšego, Modimo o se tiišeditše le go re e be e le Therešo. Ba tsebile ba bile le Therešo. Ba tsebile Yo ba bego ba mo dumela, gomme ba ile pele le Jesu.

²⁰³ Ka gona ba Mmapotše. O rile, “Tate, ba lebalele, ebile ga ba tsebe se ba se dirago.”

²⁰⁴ Eupša ge Letšatši la Pentecost le ttile ka botlalo, go be go le sehlopha sa ba bannyane, batho ba go lla, ba lla le go ya pele. “Gomme ge Letšatši la Pentecost le ttile ka botlalo . . .”

²⁰⁵ Ka pelapela go ttile moprista godimo tseleng, ka lepokisi la senkgwa, lepokisi la selalelo, o rile, “Ntšhetša leleme la gago ntle bjale, gomme nna ke tla nwa beine”? A ditšiebadimo! Godimo ga tsela go tla moreri wa Protestant, gomme o rile, “Re tla tšea seatla se setona sa kopanelo, gomme ra tšea dikgwedi tše tshela tša kiletšo”? Huh! Ditšiebadimo! “Ke tla gofafatša. Ke tla go kolobetša. Ke tla go tšea ka tsela ye, ka go tseela ka kerekeng, ka fa seatla se setona sa kopanelo”? Ditšiebadimo!

²⁰⁶ “Eupša ge Letšatši la Pentecost le ttile ka botlalo, ka pela fao gwa tla go tšwa Legodimong bjalo ka phefo ye maatla ya go kitima, gomme O tladirše ntlo yohle moo ba bego ba dutše. Maleme a maphakga a dula godimo ga bona, bjalo ka mollo.” Ba thoma go beberetša, le go kgakgametša, le go kekeretša, le go tshwa, le go ya pele.

²⁰⁷ O re, “E sego!” Ke tla e netefatša go wena ka Beibele. Ee, mohlomphegi. “O nyaka go mpotša gore seo ke se ba se dirilego?” Seo ke se Beibele e se boletségo.

²⁰⁸ A le be le tseba gore Jesaya o profitile? A ke le balele se sengwe se sennyane go tšwa go Jesaya mo, motsotsotso feela. Jesaya, tema ya 28, gomme go thoma ka temana ya 8.

Ka gore di dita fola tšohle di tletše mahlatša . . . (go bolela ka letšatši le) . . . le ditšhila, gore ga go lefelo la go hlweka. (Ngwanešu, ge seo e be e se seswantšho sa Mojuda!)

Ke mang a tla mo rutago tsebo? gomme ke mang a tla mo dirago go kwešiša thuto? (Re bolela ka Thuto, bošegong bjo.) . . . bao ba phušitšego go tšwa maswing, le bao ba gogwago go tšwa matsweleng.

Gobane molawana o swanetše go ba godimo ga molawana, molawana godimo ga molawana; mothalo godimo ga mothalo, mothalo godimo ga mothalo; . . . (Yeo ke tsela ye Ebangedi e tlag, go tloga go Genesi go ya go Kutollo.)

Ka gore ka dipounama tša go kekeretša le ka leleme le lengwe Ke tla bolela le batho ba.

...gomme *ye ke khutšo*, khutšo ye Ke e boletšego e swanetše go tla. Gomme bakeng sa sohle se ba be ba sa se kwe, eupša ba sepetše go tloga, ba šišinya hlogo ya bona.

²⁰⁹ Ke lena bao. Seo ke se A se boletšego. Leo e be e se lentšu la ka; leo ke Lentšu la Gagwe. Le fetoleng, ge le ka kgona. Le ka se tsoge la fetolwa. O rile, “Molawana godimo ga molawana; mothalo godimo ga mothalo; gannyane mo le mola gannyane.” Ebangedi ka moka e swanetše go tliswa ntle.

²¹⁰ Ebangedi ya go tlala e swanetše go thoma mo, gomme ba E rerile. Gomme ge ba dirile, Maatla a Moya wo Mokgethwa a tlide.

²¹¹ Gomme Bajuda bale ba be ba dirile metlae ka Jesu, eupša ba segile, ba rile, “Ha-ha-ha! Banna ba ba tletše ka beine ye mpsha.” Ba tswaletše boyo bja bona bja Gosafelego. Ba rile, “Gobaneng go le gore re kgona go kwa ka leleme la rena beng, mediro ya go makatša ba e bolelago? Gobaneng, banna ba ba tletše ka beine ye mpsha. Ha-ha!” Ba kwerile le go sega.

²¹² Gomme Petro, mopshikologimokgethwa yola yo monnyane, moreri wa lepokisi la sešepi, ba mmeil ntle lepokisi la sešepi, gomme a tabogela godimo ga lona, o rile, “Lena banna ba Judea, le lena ba le dulago ka Jerusalema, a nke se se tsebje go lena, gomme ekwang segalontšu sa ka. Eupša se ke—se ke seo se boletšwego ke moprofeta Joele. Banna ba ga se ba tlala ka beine ye mpsha, bjalo ka ge le nagana, gobane ke iri ya boraro ya letšatši. Eupša se ke Sela.” O šupile morago go Beibele. Ka mehla ke be ke re, “Ge se e se Seo, ke tla no boloka se go fihla Seo se etla, ge go le e ka ba eng go fapano.” Nnete. O rile, “Se ke seo se boletšwego ke moprofeta Joele. Go tla tla go phethega ka matšatšing a mafelelo,” mengwaga ye dikete tše pedi ya go feta.

²¹³ Dikete tše pedi tša pele, go fedišitše lefase ka meetse. Dikete tše pedi tša bobedi, Kriste a tla. Ka go mengwaga ya mafelelo ye dikete tše pedi, “Ke tla tšhollela Moya wa Ka ntle.” Haleluya! E sego “Ke tla ruta bareri ba bangwe le go roma baprista ba bangwe ntle.”

²¹⁴ “Eupša Ke tla tšhollela ntle Moya wa Ka go tšwa Godimo; barwa le barwedi ba lena ba tla profeta; godimo ga balata ba Ka ba basadi le bahlanka ba basadi Ke tla tšhollela ntle Moya wa Ka, gomme ba tla profeta. Ke tla bontšha maswao ka magodimong godimo, le ka lefaseng tlase.” Seo ke se e bilego. Yeo e be e le tlhomamiso.

²¹⁵ Gomme Bajuda bale ba segile le go dira metlae, gomme ba rile, “Ba tletše ka beine ye mpsha.” Seo se tswaletše boyo bja bona.

²¹⁶ Ka A.D. 96, go tla ga Tito, go tla tlase go tšwa karolong, Jerusalema e ile ya dikanetšwa gohle ke madira. Gomme le tseba

se se diregilego? Bajuda bale ba rile, “Bjale re tla boela ntlong ya Morena.”

²¹⁷ Eupša bao ba seboditswego le go tlatšwa ka Moya wo Mokgethwa . . .

²¹⁸ Bjalo ka ge Josephus a rile, “Batho bale ba mohuta wa makgema, le be le eja mmele wa Jesu yo wa Natsaretha.” O rile, “Ba utile mmele wa Gagwe, gomme ba be ba o ja.” Ba be ba eja selalelo. O boletše gore bona, bona sehlopha morago kua, “Bona mahlanya.”

²¹⁹ A le be le tseba bona batho morago kua ba be ba bitšwa “lehlanya”? Le tseba seo? Le tseba se *lehlanya* e lego? Yo mongwe yoo a “gafago.” Ya. Lebelelang Mokgethwa Paulo.

²²⁰ Bjale, lena batho, lena—lena Mabaptist le rata go re, “Mokgethwa Paulo, oo, ke a mo dumela.” Lena Makatoliki le re, “Oo, Mokgethwa Paulo,” gomme la atla a mabedi goba a mararo a maoto a gagwe, tšona dihlwadieme godimo kua ka Roma. “Mokgethwa Paulo! Ee, mohlomphegi!”

²²¹ Lebelelang se Mokgethwa Paulo a se boletšego ge a be a le pele ga Agrippa. O rile, “Ka tsela ye ba e bitšago bohlanya,” mophikologimokgethwa, “yeo ke tsela ye ke rapelago Modimo.” Amene.

²²² Ke tla rata go be ke tšoenne diatla le yena; ke be ke tla re, “Ke dumela sa go swana, Paulo! Haleluya! Ee, mohlomphegi, selo sa go swana! Mengwaga ye makgolo a lesomesenyane e fetile, Paulo. Ke sa dumela selo sa go swana!” Go le bjalo o na le Moya wo Mokgethwa; maswao a go swana, matete a go swana, se sengwe le se sengwe go no swana; o sa ya pele, Moya wo Mokgethwa wa go swana, o sa tswaleletšwe go fihlela (neng?) letšatšing la topollo.

²²³ “Ebangedi ye e tla rerwa . . .” Eng? “Ebangedi!” Ebangedi ke eng? E sego “Lentšu le nnoši.” Paulo o rile, “Ebangedi e tla go rena, e sego ka go Lentšu feela, eupša ka Maatla le ponagatšo ya Moya wo Mokgethwa go tla Ebangedi.”

²²⁴ Paulo o rile, “Ga se ka tsoge ka tla ka thuto tsoko ya seminari, ka tla go dira mantšu a magolo a go kgabišwa, bakeng sa phološo ya lena go theiwa godimo ga mantšu a go kokomoga le dipounama tša go foretša, le dithutothetho goba dithutotumelo tša baapostola, goba se sengwe sa go swana le seo. Ga se nke ke etla go lena ka mokgwa woo. Eupša ke tla go lena ke tseba selo se tee feela, Maatla a tsogo ya Jesu Kriste, le ditšhupetšo tša Moya wo Mokgethwa.” Haleluya! Modimo re fe boPaulo ba bangwe gape bao ba ka se go gego matswele ohle, eupša ba Le bea ntłe kua ntłe . . . ? . . . ntłe le ditlelafo tša siminari godimo. Amene. Leswao la Modimo! Amene.

²²⁵ Bjale, re na le nako ye kae? Bontši, a ga re nayo. [Phuthego e re, “Amene.”—Mor.] Seo ke se ke se gopotšego. Seo se lokile.

Gosasa ke Mokibelo, ga a gona wa lena a sa šomego. Go lokile. Go lokile. Elelwang, feela me—feela me metsots e se mekae.

²²⁶ Rapelang! Ela hloko, ngwanešu, ye ke nako ya tlhokofalo. Ye ke nako mo re swanetšego go be re tsea setoko. Ga ke eme fa ke dira metlae. Ge nkabe ke be ke le, ke be ke tla ya aletareng le go sokologa. Nka no be ke dira bjalo ka rametlae go ba bangwe ba lena, eupša ga ke re go ba. Ke itshwara botlaela gannyane, gatee gomme lebakana; nka se kgone go thuša seo. Se sengwe se ya godimo ga ka, se ntira gore ke dire ka mokgwa woo, ka fao nka se kgone go thuša seo. Eupša ka pelong ya ka, ngwanešu, ke a Le dumela ka pelo ya ka yohle. Lebaka la mengwaga ye masomepedi le metšo ke rerile Le go kgabola phuluphithi ye, go dikologa lefase, gomme Modimo o Le tiišeditše ka maswao le matete. Amene. “Jesu Kriste wa go swana maabane, lehono, le go ya go ile.” Ee.

²²⁷ Bjale O rile, “Dira bona ka dibetša go tla pele.” Ba ganne go amogela leswao lela. Gomme O ile pele, gomme Tito o thopile maboto a Jerusalema, gomme ba kitimela ka toropongkgolo; ba ba bolaišitše tlala ka kua, go fihla ba apea bana ba bona seng le go ba ja. Ba ja sekgamathi go tšwa mohlareng, bjang go tšwa mobung. Gomme ka gona ge mafelelong ba ile ba swanelia go inela... Tito, ge a ile ka Jerusalema, ka go felela o sentše se sengwe le se sengwe ka kua, o bolaile basadi, bana, masea, baprista, se sengwe le se sengwe gape, gomme a tšuma toropokgolo.

²²⁸ Gomme Jesu o rile, “Go tla tla nako mo go ka se bego letlapa le tee le tlogetšwego.”

²²⁹ Ba rile, “Lebelela ka go khateterale ye kgolo ya rena. Ngwanešu, rena re Baptist, goba Methodist, goba Mapentecostal, goba e ka ba eng.”

O rile, “Go ka se be letlapa le tee le tlogetšwego godimo ga le lengwe.”

²³⁰ Go laetša gore “Modimo ga a dule ka dintlong tše di dirilwego ka diatla.” Modimo o dula ka dipelong tša batho. “Gobane O Ntokišeditše mmele.” Moya wo Mokgethwa ga o dule ka ntlong. O dula ka pelong. Yeo ke tempele. “Ga le tsebe gore le ditempele tša Modimo yo a phelago?” Amene. Aga tempele, aga kereke, tumelo ya gago yohle e agilwe go dikologa tempele ya gago goba kereke ya gago, modingwana wa kota, a tsea leswao la sebata gomme a sa le tsebe. Yeo ke nnete. Go tšwela ntle le go tsea nako ya lena yohle, bareri, go thekga mokgatlo wa lena, le go ya feela thwi ka go otlologa heleng le yona ka mo ba kgonago go ya.

²³¹ Ke a go botša, ngwanešu, ke nako ye banna ba phafoga le go rera Ebangedi ka Maatla a Moya wo Mokgethwa, ge mogohle, a re biletšeng Methodist, Baptist, Presbyterian, Katoliki, le tšohle, go sefapano sa Jesu Kriste.

²³² Bjale, le re, modiši wa kgale o rwele todi, o e beile godimo ga leswika. Ge nku ya go babja e latswitše, e e be e fola.

²³³ Ngwanešu, ke na le mokotla wohle o tletše ka yona mo, bošegong bjo. Gomme ke tla e bea godimo ga Leswika, Kriste Jesu, gomme dinku tša go babja di ka kgona go latswa le go fola. Yeo ke nnete. Ngwanešu, theetša, e se go ya go e bea godimo ga kereke e ka ba efe. Ga se ya kereke ye itšego. Ke ya Kriste. Yeo ke nnete tlwa.

²³⁴ Fomale! “Oo, ee, re dumela go Kriste.” Mediro ya gago e netefatša se o se dumelago.

²³⁵ Jesu o rile, “Maswao a,” t-l-a, l tše pedi, “a tla latela bona ba ba dumelago, go fihla bofelong bja lefase. Gomme ka Leina la Ka ba tla lelekela bodiabolo ntle, ba bolela ka maleme a maswa; ge ba ka swara sephente, goba ba nwa selo sa go bolaya, se ka se ba gobatše. Ge ba bea diatla tša bona godimo ga balwetši, ba tla welwa ke maruru.” Seo ke se Jesu a se boletšego. Ao ke Mantšu a mafelelo a welego go tšwa go dipounama tša Gagwe. Gomme O ile a tšeelwa godimo ka Legodimong.

²³⁶ Gomme batho ba ba yago pele, ba dumela le go rera phodišo Kgethwa, le maatla a Modimo, lefase le ba bitša “go gafa.” Gomme Beibele e rile, “Ge ba bitša Mong wa ngwako ‘Beletsebubu,’ ke bontši gakaakang ba tla ba bitsago, barutiwa ba Gagwe?”

²³⁷ Ba ahlotšwe, šebale ba robetše, bohole ba hwile feela tlwa. Eupša Josephus o rile, “Batho bale ba . . . mohuta wola—wola wa batho ba Bakriste, o ile go tloga Jerusalema go ya Judea, le go phonyokga bogale bjohle bjo.” Bjale yoo e be e le Mojuda, go felela ga Mojuda.

²³⁸ Ka pela bjale, lebaka la metsotso e se mekae ya go latela, a re fetšeng Bantle, thwi ka pela. A re phetleng godimo go Kutollo tema ya 7, moo re tla fetšago lebaka la Bantle. Bonang ge eba ye ke nnete goba aowa. Moo e be e le moo moprofeta wa Hesekiele 9 a profetilego bofelo bja lebaka *lela*; bjale Moya wo Mokgethwa šo o profeta bofelo bja lebaka *le*. Theetšang sekgauswi bjale ge ke bala ka tlhokomelo.

Gomme ka morago ga dilo tše . . .

²³⁹ Kutollo 7 bjale, “Ka morago ga dilo tše ke bone barongwa ba bane . . .” Bao e be e le banamedi ba dipere ba ilego pele, go tema ya 6, le ka fao ba ilego pele; pere ye tshehla, le pere ye ntsho, le pere ye khubedu, le go ya pele, e lego, bona banamedi ba be ba otlela naga lebaka la nako ye telele.

. . . Ke bone barongwa ba bane ba eme dikhutlong tše
nne tša lefase, ba swere diphefo tše nne . . . gore ga tša
swanelago go foka godimo ga lefase, goba godimo ga
lewatle, goba godimo ga mohlare e ka ba ofe.

²⁴⁰ Bjale šetšang pono ye a e bonego pele. “Ke bone barongwa ba bane ba eme dikhutlong tše nne,” mafelo a mane go dikologa lefase, morongwa, a swere diphefo tše nne. *Barongwa* ke “batseta.” Beibele e boletše bjalo. Gomme *diphefo* ke “dintwa le dikgogakgogano.” O be a swere diphefo tše nne, fa,...?... Bjale šetšang, temana ya 2.

Gomme ke bone morongwa yo mongwe a rotoga go tšwa bohlabela, go beng le (l-e-s-w-a-o, mošomo wa go fetša, ka mantšu a mangwe)...a swere le leswao la Modimo yo a phelago: gomme o goeleditše ka segalontšu se segolo go...barongwa,...bao ba filwego go senya lefase le lewatle,

A re, Se senyeng lefase, le ge e le lewatle, goba... mehlare, go fihla re swaile bahlanka ba Modimo phatleng ya bona.

²⁴¹ Šetšang, ke tla bala go theoga.

Gomme ke kwele palo ya bona...ba swailwe: gomme go swailwe di-di... go swaile dikete tše lekgolo le masomenne nne tša...mo moloko wa-wa...mo moloko wa bana ba Israele.

²⁴² “Ba moloko wa Juda, lesomepedi...” le go ya pele go theoga, le “Benyamini,” le “Gada,” le “Rubene,” go theogela go “Sebulone,” le go theogela go meloko ye lesomepedi, mo bofelong bja temana ya 8. Gomme lesomepedi atiša ka lesomepedi ke eng? [Phuthego e re, “Lekgolo le masomenne nne.”—Mor.] Lekgolo le masomenne nne. “Dikete tše lekgolo masomenne nne,” bohole ba Bajuda. Bjale, šetšang.

Gomme morago ga se ke lebeletše, gomme, bonang, lešaba le legolo, le go sego motho a ka kgonago go le bala, ba merafe yohle, maleme, le ditšhaba,...

²⁴³ Ba tšwa kae? Le a bona, re bona moo Bajuda bale mo bofelong; gomme ge barongwa ba filwe go ya pele go senya, o rile ka mo, o bone le “swere.” Eupša ba ba tšwa kae, ba merafe yohle, maleme, le ditšhaba? Ba bonagetše go lefelotiragalo.

...le batho, le maleme, ba eme pele ga Kwana, gomme pele...ba apešitšwe...Kwana, ba apere diaparo tše tšhweu, le dipalema ka seatleng sa bona;

²⁴⁴ Monyalwa, Monyalwa wa Bantle o be a tswaleletšwe go tloga mo. Hlokamelang.

Gomme ba goeleditše ka segalontšu se segolo, ba re, Phološo go Modimo wa rena yoo a dutšego godimo ga terone, le go Kwana.

Gomme—gomme...barongwa bao ba emego go dikologa go rarela terone,...bagolo,...dibata tše nne, ...wetše pele ga terone ka difahlego tša bona, gomme ba rapela Modimo,

Ba re, . . . (Theetšang, ge se se sa kwagale boka kopano ya Moya wo Mokgethwa!) A- . . . Ditšhegofatšo, amene, letago, . . . bohlale, . . . ditebogo, . . . tlhompho, . . . maatla, . . . thata, di be go Modimo wa rena go ya go ile le go ya go ile. Amene.

- ²⁴⁵ Seo ga se kwagale boka mohuta tsoko wa tirelo ya digrata, go nna. Seo se kwagala bjalo ka fešene ya kgale, Moya wo Mokgethwa o tšhollelwa ntle, go nna. Bona batho ba be ba le felotsoko; ba tseba ba dire eng ge ba bone Kwana e dutše godimo ga Terone.

Gomme yo mongwe wa bagolo . . . o rile go nna, Ke bomang ba . . . gomme ba apere diaparo tše tšhweu? gomme ba tšwa kae?

- ²⁴⁶ Bjale o tsebile Bajuda bohole, eupša ba ba tšwa kae, “meloko yohle, maleme, le ditšhaba”? Šetšang.

Gomme ke rile go yena, Mohlomphegi, wena o a tseba. (Johane o rile, “Ke no se tsebe.”) Gomme o rile go nna, . . .

- ²⁴⁷ Ba ke bao ba bilego le Yela, ke a thanka. Go lokile.

. . . Ba ke bona ba ba tlago godimo go tšwa tlaišegong ye kgolo, (ba bitšwago “mopshikologimokgethwa,” ba dirilwe metlae, ba hlomerwe, ba tlaišwa) . . . ba tla godimo go tšwa tlaišegong ye kgolo, gomme ba hlatswitše diaparo tša bona, le go di dira tše tšhweu ka mading a Kwana. (Šetšang!)

. . . bona ba pele ga terone ya Modimo, . . .

- ²⁴⁸ Mosadimogatša o dula kae? Kgošigadi e dula kae? Yoo ke Monyalwa, Monyalwa wa Montle.

. . . gomme ba mo hlankela mosegare le bošego ka te tempeleng: . . .

- ²⁴⁹ Mosadimogatša wa ka o a ntlhankela ka ngwakong, mosegare le bošego. Le a bona? Yoo ke Monyalwa wa Jesu; yoo ke Monyalwa wa Montle.

. . . gomme bao ba dutše godimo ga terone ba tla dula magareng ga bona.

Ba ka se sa swarwa ke tlala gape, . . .

- ²⁵⁰ Haleluya! Matšatši a mošomo a fedile. Gabotse, re hlaetše dijo tše dintši, eupša re ka se tsoge ra hlaela e tee Kua. Amene.

- ²⁵¹ Ke a tseba wa ka wa go šokiša, yo monnyane, mme wa go tšofala o dutše mo bošegong bjo. Gomme ke mmone a emeleta go tloga tafoleng. Re be re na le kofi le borotho bjo bo itšebo bja go se butšwe. O be a tla e tšhela godimo, a bea swikiri godimo. Gomme ga go na le se se lekanego go ya go dikologa; digotlane di tla lla, gomme tša tsoga gomme tša sepela go tloga. Eupša re ka se tsoge ra e dira Kua! Papa wa ka wa go tšofala o be a robetše matsogong

a ka, go kgabaganya mokgotha, godimo mošola, gomme a hwa, a swerwe ke tlala.

²⁵² Eupša re ka se tsoge ra e dira gape. Haleluya! Aowa, mohlomphegi. Ga go sa na go swarwa ke tlala.

Ba ka *se sa swarwa ke tlala gape, le gona ba ka se nyorwe . . . le seetša sa letšatši godimo ga bona, . . .*

Gobane Kwana ye e lego bogareng bja terone e tla ba fepa, gomme o tla ba etapele ka methopong ya go phela ya meetse: gomme Modimo o tla phumola . . . megokgo yohle go tloga mahlong a bona.

²⁵³ Ba ka no swanelo go dira go lla go gonnnyane le go ya pele, ge Moya wo Mokgethwa o etla. Eupša Modimo o tla phumola meokgo yohle go tloga mahlong a gago.

²⁵⁴ Šetšang, o bone “barongwa ba bane ba eme dikhutlong tše nne, ba swere diphefo tše nne.” Ka pela bjale. Nako ya ka e fedile, eupša a nke ke tliše ntlha ye go lena, pele ga go tswalela. Lebelelang, o bone barongwa ba bane. O bone go tswaleleng ga kereke ya Bajuda, ka fao a ba bonego ba etla ka tsela ya go swana; a etla ka dibetša tša gagwe tša go bolaya, sešole sela.

²⁵⁵ Bjale šetšang. Ke mohuta ofe wa leswao Kereke ya Moya wo Mokgethwa e le amogetšego, bakeng sa leswao phatleng ya bona? E be e le leswao la semoya. Moya wo Mokgethwa o ba swaile. A yeo ke nnete? Ga se A ke a tsoge a bea thathu godimo ga hlogo ya bona, a O dirile? Aowa.

²⁵⁶ Ba be ba se ba ahlolwa ke naga tsoko ya kgahlanong le bodumedi. Ba be ba ahlotšwe ke ba bona beng. Le bona se ke se rago? Kereke ya kgonthe ya Modimo yo a phelago e tla ahlolwa ke Katoliki le Protestant, gobane ba tla kopana mmogo. Di šetše di le mmogo bjalo ka e tee, bjalo ka mme le morwedi.

²⁵⁷ Eupša ba, *mo*, ba be ba se. Ka gona, šetšang se A se dirilego. O rile, “Beang leswao phatleng ya bona.” Ke mohuta mang wa leswao le bego le le? Ke tla le balela, Ditiro 2. “Bohle ba be ba le mmerong o tee ka lefelong le tee. Gomme ka pelapela go tlide modumo, Morongwa a etla go tšwa Legodimong.”

O re, “Morongwa e be e le modumo?”

²⁵⁸ E be e le eng, e be e le eng se se ilego pele ga Dafida, ge a kwele go kitima ga matlakala, matlakala a mourupe, bošegong bjoo ge a be a boifa go no ya pele? “Ba kwele modumo go tšwa Legodimong boka phefo ye maatla e fokago,” Modimo o ya pele ga bona.

²⁵⁹ “Gomme ka pelapela go tšweletše go bona Moya wo Mokgethwa le Maatla.” Ba ile ntle go kgabola mekgotha, ba taboga le go taboga, le go bolela ka maleme, le go kekeretša ga dipounama, le go goelela, le go itshwara boka letagwa, gomme yo mongwe le yo mongwe a no hlalala le go tumiša Morena Modimo. A yeo ga se nnete?

²⁶⁰ Yeo ke tsela ye Modimo a dirago ge A romela Maatla a Gagwe fase ka kolobetšo ya Moya wo Mokgethwa. Gomme O sepeletše ka gare thwi fale, gomme Molaetša o sepetše kgole! Haleluya! Gomme ba goeeditše le go goelela, le go bolela ka maleme, le go ya ntle kua. Gomme leo e be e le leswao le Modimo a le beilego godimo ga batho. A yeo ke nnete? Modimo o beile leswao, gomme woo ke mohuta wa leswao Modimo a yago go le bea godimo ga batho ba Gagwe lehono. Leswao la go swana la Modimo le le ilego godimo ga bona kua, ka tlase ga kolobetšo ya Moya wo Mokgethwa, e be e le leswao la Modimo.

²⁶¹ Ke nyaka go le botšiša se sengwe, kereke. Beibele e bolela gore leswao la Modimo, ka letšatšing leo, e be e le kolobetšo ya Moya wo Mokgethwa. Leswao le le bego le le godimo ga batho, go ba dira gore ba fapane go tšwa go ba bangwe, e be e le kolobetšo ya Moya wo Mokgethwa. A seo ke therešo? Testamente ye Mpsha e rile, ka go Baefeso 4:30, gore Moya wo Mokgethwa ke leswao la Modimo, bakeng sa batho ka matšatšing a mafelelo, go ya go bofihlo bja gago bja Gosafelego. A ke nnete? Gona Moya wo Mokgethwa o be o nepile.

²⁶² Bjale, re bile le lebaka la Methodist, re bile le lebaka la Baptist, re bile le tokafalo, re bile le tlhwekišo. Re bile le dilo tšohle tše, di etla mmogo.

²⁶³ Gomme thwi e ka ba mengwaga ye masomenne ya go feta, kolobetšo ya Moya wo Mokgethwa la mathomo e ithutilwe ka United States. A ke nnete? E ka ba mengwaga ye masomenne ya go feta, ge batho ba thoma go amogela . . .

²⁶⁴ Bjale, ba be ba fela ba e bitša mošomo wa bobedi wa kgonthwa mogau, tlhwekišo. “Tlhwekišo,” ke nnete.

²⁶⁵ Sebjana sa pele se swanetše go tšeelwa godimo, sa tšeelwa godimo. Sohle se tletše leraga. Se lokafaditšwe, gobane mo—mo monna o se topile.

²⁶⁶ Selo sa go latela, se swanetše go—go hlwekišwa le go gohlwa. Lentšu go *hlwekiša* le ra “go hlwekišwa, le go beelwa thoko bakeng sa tirelo.” Eupša “go beelwa thoko *bakeng sa tirelo*” ga go re gore o *ka* tirelong.

²⁶⁷ Gomme ka gona Jesu o rile, “Ba lehlogenolo ke lena ge le swerwe ke tlala le lenyora la toko, gobane le tla tlatšwa.” Le a bona, Moya wo Mokgethwa o tlide godimo ga wa go hlwekišwa, wa kgonthwa, wa therešo, modumedi wa go hlwekišwa. Gomme maswao le matete di thoma go iponagatša tšonabeng ka pela ge sebjana sela sa go hlwekišwa se bile gabotse, gomme Moya wo Mokgethwa wa tsena ka go sona. Le bona se ke se rago?

²⁶⁸ O ka se tliše oli go tšwa go lebotlelo lela ntle le ge go na le oli ka fale, ga go kgathale lebotlelo le hlwekile gakaakang. O ka se kgone go tliše go bolela ka maleme, le phodišo Kgethwa, le

Maatla a Modimo, go tšwa go se sengwe seo go sego selo ka go sona. Moya wo Mokgethwa o be o swanetše go tlišwa, nako yeo.

²⁶⁹ Lebelelang, e ka ba mengwaga ye masomenne ya go feta... A re naganeng morago. Re a lebelela, go dikologa... Šetšang sekgauswi. Go bile le mmuši yo mogolo a ilego pele, Ntwa ya Lefase ya Mathomo; lekga la pele ka go histori yohle ya lefase, ntwa ya lefase. O be a thoma kae? Thwi go otologa go ya ka Jeremane. Go diregile eng? Go a tlaba, ga go yo a tsebago, go fihla letšatši le, ka fao e emego. Ga go yo a tsebago. Balang *The Decline Of the World War*. Bolumo ye nngwe le ye nngwe, ke e badile. Ga go motho o tee... Selo se nnoši ba se tsebago, go bile le taelo e tšwelelago, “Ineeleng!” Ga go yo a tsebago yo a e fago. Gobaneng?

²⁷⁰ O Modimo! O ya go mpitša “mopshikologimokgethwa,” go le bjalo, kafao bokaone ke no itshwara maikutlo a ka. Lebelelang! Ke leboga bjang bakeng sa Moya wo Mokgethwa go ba fa mo sefaleng, go utolla.

²⁷¹ Hlokomelang. Šetšang. Ba ile pele, phefo ye nngwe le ye nngwe e etla lefaseng, dibetša tša sebjalebjale, go senya ka go felela se sengwe le se sengwe ka ntweng ya lefase. Eupša, ka bjakobjako, e eme. Kutollo tema ya 7, e rile, “Ke bone barongwa ba bane ba etla tlase ka dibetša tša bona tša go bolaya. Gomme fale go sepetše Monna a etšwa bohlabela, a swere leswao la Modimo yo a phelago; o rile, ‘Swarang diphefo tše nne.’”

²⁷² “E swareng,” gobaneng? Bajuda ga ba sa le ka lefelong la maleba bjale. Letago! Bajuda ga ba lefelong la maleba, bjalo ka ge Modimo a tshepišitše. O ba boditše moo ba tla bago, ba ema mošola. O rile, “Ge le bona mohlare wa mogo o khukhuša, tsebang nako e kgauswi.” Gomme ge le bona Bajuda ba boela Palestina, le a tseba nako e kgauswi. “Moloko wo o ka se fete go fihla dilo tšohle di phethagaditšwe.” Gomme, ngwanešu, ka go mengwaga ye šupago ya mafelelo ke lekga la mathomo leo folaga ya Bajuda e kilego ya phaphasedišwa, mo mengwageng ye dikete tše pedi, godimo ga Jerusalema; ee, mengwaga ye makgolo a masomepedi tlhano. Amene. Bajuda ba be ba se thwi moo e ka go dirwa, eupša O rile, “Swarang! Swarang!”

²⁷³ Gobaneng, gobaneng “swarang”? Šetšang, go be go le Bantle ba bangwe efela, magareng ga lebaka la Wesley le lebaka la Pentecost, ba ile ba swanela go tsena. Pele Pentecost e ile ka go Lebaka la Kereke ya Laodikia, go bile le “mojako wa go bulega” o beilwego pele ga kereke; mojako wa go bulega, go ya go, “Mang kapa mang a ratago a tle gomme a nwe go tšwa Mothopong wa meetse a Bophelo mahala.” Mojako wa go bulega, o beilwe. Oo, nna!

Gomme O rile, “E swareng!” Gobaneng?

²⁷⁴ Jesu o rile, “Monna o ile ntle gomme o šomile. Gomme monna yo mongwe o ile ntle, ka go iri ye nngwe, gomme o šomile. Monna

yo mongwe o ile ntle le go šoma. Gomme monna yo motee o ile ntle ka iri ya lesometee. Gomme ge a eme ka iri ya lesometee, o file yo mongwe le yo mongwe wa bona karolo ya go swana, iri ya lesometee.”

Ba maketše gobaneng. “Gobaneng a dirile, a hweditše iri ya lesometee, yo mongwe le yo mongwe a etla ka gare?”

²⁷⁵ Ba Martin Luther bao ba šomilego, ba sepetše ka tlase ga lebaka la Luther, ba hwile ka mogau! . . .? . . .ba bangwe, Mamethodist a go goelela, ba ba hwilego ka tlase ga lebaka la Wesley, ba hwile ka mogau. Re phela ka go lebaka le lengwe, e sego morago kua. Mo! Mme o be a fela a eya ka koloi ya dipholo, gomme re ya ka model V-8 Ford, e nyakile go jagelwa ka tšete. Seo ke therešo. Re phela ka go lebaka la go fapan, gohlegohle. Gomme re phela ka go lebaka la go fapan. Re phela ka letšatšing la pušetšo ya Maatla a Modimo, gomme thwi mo go bona Maatla a Modimo go swana le ge ba dirile mathomong. Re phela ka go lebaka le lengwe. Le se ke la lebelela morago kua go Wesley, Methodist, le bohole bao, Baptist, le Presbyterian. Lebelelang mo go Jesu Kriste, Mothomi le Mofetši wa Tumelo ya Beibebe. Haleluya!

²⁷⁶ Bjale Mo šetšeng, o rile, “E swareng,” go fihlela (eng?) batho ba iri ya lesometee ba ka kgona go tla ka gare, pitšo ya mafelelo ya Bantle. Mme o šomile *kua*; papa le bona ba šomile *mo*; makgolo o šomile morago *kua*. Le ke lebaka la rena, iri ya lesometee. Ntwa yela ya Lefase e eme ka kgwedi ya lesometee mo ngwageng, letšatsi la lesometee la kgwedi, iri ya lesometee mo letšatsing, gomme motsotsa wa lesometee mo iring; gore batho ba iri ya bolesometee ba ke ba tsene, (eng?) ba amogela kolobetšo ya go swana ya Moya wo Mokgethwa yeo ba e dirilego morago *fa* mo mathomong, go tliša morago Maatla le tsogo ya Morena Jesu Kriste, maswao a go swana le matete.

²⁷⁷ Ke eng? Dintwa di katana *mo*, di katana *kua*, di katana *mo*, di katana *kua*, di leka go . . . Dipomo tša athomo le se sengwe le se sengwe gape di a agiwa, eupša ga ba kgone go e dira. Ba ka se kgone go e dira go fihla Bajuda ba hwetša ketelo ya kolobetšo ya Moya wo Mokgethwa. Morongwa o rile, “E swareng, go fihla re swaya bahlanka,” e sego Monyalwa. Bantle ga se nke ba ba mohlanka; re barwa le barwedi. Bao ke bahlanka, Bajuda. Abraham e be e le mohlanka wa Modimo. Haleluya! Bjale, dikete atiša ka dikete atiša ka dikete tša Bajuda. Modimo o thatafaditše pelo ya Farao, go ba gapela Palestina. Modimo o thatafaditše pelo ya Hitler, pelo ya Mussolini, pelo ya Stalin. O otlela ka kgapeletšo, ka Palestina, a sa tsebe se a se dirago, a šoma thwi ka diatleng tša Modimo.

²⁷⁸ Bona ba dikete tše lekgolo le masomenne nne ba tla ema mošola. Gomme le lengwe la matšatši a, yo mongwe yo Mokgethwa, yo mokgethwa, moprofeta yo a tloditšwego wa

Modimo o tla ya godimo fale ka maswao le matete. Bajuda bale ba tla re, "Seo ke se ke se lebeletšego." Ee, mohlomphegi. Gomme Modimo o tla kolobetša Bajuda ba dikete tše lekgolo le masomenne nne.

²⁷⁹ Gomme Tlhatlogo e tla tla; lebaka la Bantle le tla goma. Pomo ya athomo e tla thuthupa le go tšea lefase. Gomme Kereke ya Bantle e tla hlatlošetšwa godimo, go ema kua ka Bogoneng bja Modimo. "Ke bomang ba ba tlago godimo go tšwa tlaišegong ye kgolo? Ba hlatswitše diaparo tša bona ka Mading a Kwana. Ba pele ga Modimo, ntle le sepatso." Amene.

²⁸⁰ Leswao la sebata, mohlakanelwa; dikereke, Bokatoliki, tšohle di tlemilwe mmogo, di ya ka tlhakahlakanong. Mašalela, Monyalwa Moya wo Mokgethwa.

²⁸¹ Gomme batho lehono ba ba segago go bolela ka maleme, ba ba segago phodišo ye Kgethwa, ba ba segago seprofeto, ba ba segago ponagalo ya Moya; le moya wa go swana wo o bušitšego Bajuda bale morago mo, bao ba rogakilego Moya wo Mokgethwa morago fale, gomme ba hwile ka tlase ga kahlolo Kgethwa. United States ye e tlementše kahlolo Kgethwa, ka tlase ga Maatla a Moya wo Mokgethwa. Ba ahlotšwe, le go dira metlae, le go tšwela ntle, le go re bitša "bapshikologibakgethwa" le se sengwe le se sengwe gape. Eupša iri e mo, ge Modimo a tla tšhollela ntle kahlolo Kgethwa ya Gagwe. Amene.

²⁸² Eba komanang. [Ga go selo go theipi—Mor.] . . . ? . . . Lefelo le nnoši le bolokegilego le lego lehono le ka go Kriste Jesu. Modimo a go šegofatše. Ge o se ka gare, gatelela go fihla o tsena ka gare. "Bao ba lego ka go Kriste Jesu Modimo o tla ba tliša le Yena ka go Tleng la bobedi."

²⁸³ Ntle le leswao la Modimo, e lego kolobetšo ya Moya wo Mokgethwa, mohlakanelwa wa bokgelogi ke leswao la sebata. Seo ke O RIALO MORENA. Le bona se ke se rago? Eupša barutiši ba ba bodumedi ba leka go e bea go bokomonisi, ge ba sa lemoge e šoma thwi ka magareng ga bona beng. O rile, "Go tla ba baetapele ba difofu." O rile, "Ba tla ba le mahlo, eupša ga ba kgone go bona." O rile, "Lena, le ka go metlwae ya lena, le bolela thuto ya batho, le dira melao ya batho, go dira melao ya Modimo go hloka maatla."

²⁸⁴ O tla sega Mokatoliki bakeng sa go bea godimo katekisima ya bona, gomme banna ba lena ba ya thwi godimo fa go khonferense tsoko goba se sengwe, gomme ba tše sephetho ge eba ba ka amogela phodišo Kgethwa, goba kolobetšo ya Moya, le dilo tše. Gomme ba a O ahlola le go O gana. Gomme le sega Katoliki. Ga le na le tokelo ya go sega Katoliki. Gobane, ge a be a le "SEOTSWA," Beibele e rile o "MMALEGOGWANA," ka go mohlakanelwa wa go swana.

²⁸⁵ “Tšwelang ntle go tšwa magareng ga yona, batho ba Ka! Ebang ba ba aroganego,” go rialo Modimo, “gomme Ke tla le amogela go Nnamong.” Yeo ke nnete.

²⁸⁶ Oo, gabaneng Tabarenekele ye ya Branham e sa tšwe go mašošo a rena? Ke nyaka go tseba ge lena batho tikologong fa le dumela Ebangedi ye. Gomme E rerilwe, gomme le E bone, maswao le matete, le go tiišetšwa. Gomme se sengwe le se sengwe Morena a se boletšego, se tlie sa phethega. Gona, bothata ke eng go dikologa fa, ge ke ekwa go na le dipakišano magareng ga lena, ge ke ekwa go na le phapano? Ke nyaka le ngwale ntle se e lego bothata ka lena, se se lego pelong ya lena, le go e bea godimo ga phuluphithi ye ya sefala, gosasa bošego.

²⁸⁷ Ke nyaka go bona gabaneng kereke ye e sa kgone go rwalelwka kgole ke Maatla a Modimo, le kolobetšo ya Moya wo Mokgethwa, ka maswao le matete. Bothata ke eng? Modiša wa lena o a Le dumela. Le a Le dumela. Kafao, phošo ke eng fa? Go na le se sengwe sa phošo. Ye e swanetše go ba ntloseetša ya lefase. Le e swanetše go ba lefelo moo Maatla a Modimo, le go lla le go lla, le go nyaka Modimo, o swanetše go be a eya pele, mosegare le bošego. Gobaneng re sa kgone go ba le yona?

²⁸⁸ “Ke tla dira, eupša le ka se ke,” go boletše Jesu. “Le ka se ke. Etlang gomme le reke go Nna.”

²⁸⁹ “Ke a tseba le re,” O rile, “le ‘humile, ga le hloke selo,’” a bolela le dikereke. O rile, “O re, ‘Ke humile, gomme ga ke hloke selo. Re mokgatlo wo mogologolo.’ Gomme ga o tsebe, eupša o madimabe, o a diila, o a nyamiša, o foufetše, gomme o hlobotše, gomme ga o e tsebe.” Ge motho a le ka go seemo seo gomme a e tseba, o tla ithuša yenamong. Eupša, ge o le ka tsela yeo, “gomme ga o e tsebe!” Gomme Kriste o boletše gore dikereke mo letšatšing le di tla ba ka tsela yeo, gomme di ka se e tsebe.

²⁹⁰ Tšipa sephedi sa gago sa semoya, wa ka morategi, ngwanešu morategi. Tšipa soulo ya gago, bjalo ka ge e bile, ka thapelo, gomme o re, “Morena Jesu, lebelela godimo go nna. A nke ke tšee setoko bošegong bjo, pele ke eya malaong, gomme ke hwetše se e lego bothata ka nna. Ke be ke ipolela lebaka la mengwaga, gomme ga ke bone dilo tše tšeou Jesu a di boletšego. Gore O tla ba le nna, gomme dilo tše di tla ya pele, ga ke e bone. Bothata ke eng, Morena Jesu?”

²⁹¹ Botegang. Hlokofalang. Etlang tlase gomme le bolele le Yena, bjalo ka sefahlego ka sefahlego le ngwanešu. O tla go utolla. O tla go botša. A kgeila soulo ya gago go arogana, le go e robatša ntle kua. E re, “Morena Jesu, ge go ntšealapa la ka, ge go ntšeabophelo bja ka, ge go ntšeamo wa ka, ge go tšere boleloko bja ka, ge go tšere maemo a ka ka toropongkgolo, ke tla tšealapa la ba Morena ba ba nyaditšwego ba sego nene.”

²⁹² Bjale elelwang, Jesu o rile, “Kgoro ke ya tselameetse, gomme tsela ke ye tshese, gomme eupša ke ba ba sego nene fao ba

ba tlogo go e hwetša. Gobane tsela ke ye e phatlaletšego ye e išago tshenyegong.” Milione go feta ka ’54, “Kgoro ke ye e phatlaletšego ye e išago tshenyegong, gomme ke ba bantši fao ba ba yago ka yona.” Yeo ke nnete. “Yo a tla lahlegelwago ke bophelo bja gagwe ka lebaka la Ka o tla bo hwetša. Yo a ratago tate, mme, kgaetšedi, ngwanešu, goba e ka ba eng, bokaone go phala Nna, ga a ne maswanedi go bitšwa wa Ka. O tla bea seatla sa gagwe godimo ga mogoma gomme a thoma go ya pele, ebile a retologa go lebelela morago, ga a swanelu nako.” Ngwanešu!

²⁹³ Le lengwe la matšatši a, ya mafelelo theroy Ebangedi ya Moya wo Mokgethwa ye e tloditšwego e tla rerwa. Le lengwe la matšatši a, sethunya sa mafelelo se tla thunya. Le lengwe la matšatši a, pina ya mafelelo e tla opelwa. Le lengwe la matšatši a, thapelo ya mafelelo e tla rapelelwa. Le lengwe la matšatši a, mabati a tabarenekele a tla tswalelwla lekga la mafelelo, Beibele e tla tswalelwla mo phuluphithing. Gomme le tla ema ka Bogoneng bja Modimo, go fa lebaka bakeng sa se le se kwelego bosegong bjo. Ke eng nako yeo? Ke eng nako yeo? Ge Puku ye kgolo e butšwe, ke eng nako yeo? Ge bosegong bjo bo etla go rekoto, ke eng nako yeo? Oo, bjalo ka ge pina e bolela:

Ke eng nako yeo?
Ge Puku ye kgolo e butšwe, ke eng nako yeo?
Ge bona bao ba gannego Mopholoshi lehono,
Ba tla kgopelwa go fa lebaka—Ke eng nako yeo?

²⁹⁴ Mošomo wa gago o eme ka tseleng ya gago. Batswadi ba gago ba eme ka tseleng ya gago. Lesogana la gago le eme ka tseleng ya gago. Lekgarebe la gago le eme ka tseleng. Kereke ya gago e eme ka tseleng.

Ke eng nako yeo? Ke eng nako yeo?
Ge Puku ye kgolo e butšwe, ke eng nako yeo?
Ge bona bao ba ganago Molaetša wo bosegong bjo,
O ya go, kgopelwa go fa lebaka—Ke eng nako yeo?

²⁹⁵ O ya go dira eng ka yona? O tseba se leswao la sebata le lego sona. O tseba se leswao la Modimo le lego. Go godimo ga lena.

A nke Morena a le šegofatše, ge re sa eme.

²⁹⁶ Wa go loka Tate wa Legodimong, a nke dikgaogelo tša Gago le ditšhegofatšo di be godimo ga batho. A nke Moya wa Gago o sepele. Gomme a nke Moya wo Mokgethwa wa Gago o theogelete fase godimo ga batho ba, le go ba fa, Morena, kolobetšo ya Moya. A nke monna le mosadi yo mongwe le yo mongwe, mošemane le mosetsana, ka mo, a nke ba rwalelwla go tloga bosegong bjo, ke Moya wo Mokgethwa, gore ba tla re, “Modimo, tšea tšohle ke nago le tšona. Tšea se sengwe le se sengwe ke lego sona. Eupša, a nke ke Go direle, Morena wa ka. Ke tla beela thoko se sengwe le se sengwe. Ke tla ineela godimo nnamong. Ke tla

neela boikgantšho. Ke tla neela kereke. Ke tla neela se sengwe le se sengwe.”

²⁹⁷ E sego gore ba tla swanelo go tšwela ka ntle ga kereke ya bona, Morena, eupša ba swanetše go tšwela ka ntle ga seemo se ba phelago ka go sona. O Modimo, romela Mamethodist morago go kereke ya bona, ka mollo, go rera Ebangedi; romela Mabaptist morago, romela Macampbellite morago, romela Makatoliki morago. Morena Modimo, romela yo mongwe go tšwa go Tabarenekele ya Branham fa, morago go tabarenekele fa, ka wo boleta, wa go kokobela moyo, wo o tla yago pele le go bolela, le lerato, le go leka go tliša batho ka mmoro o tee gape, gore Moya wo Mokgethwa o kgone go tla ka gare le go šomiša batho. Romela maswao a magolo le matete. Tlotša modumedi yo mongwe le yo mongwe. Lebalela sebe se sengwe le se sengwe.

²⁹⁸ O Modimo, re bona maswao a tšwelela. Re bona mohlare wa mogo o khukhuša. Re a tseba gore nako e kgauswi. Re bona pomo yela e robetše mošola ka diatleng tša yena monna yo O boletšego o be a filwe go senya lefase.

²⁹⁹ O Modimo, re ka kgona bjang go gana botelele bjo bo itšego? Re ka kgona bjang? Ge, re ekwa Ebangedi ya Gago ya go šegofala e llela ntle ka go hlaka, ka go hlaka; re kwa Moya wo Mokgethwa o etapele; re a bona Moya wo Mokgethwa o fa maswao le matete; fodiša balwetši, bula mahlo a difofu, bušetša bophelo go bahu; matete a magolo le maswao; Ebangedi e rerwa ka ba go se rutače, batho ba go se tsebe selo, o rerilwe ka tlase ga Maatla le ponagatšo ya Moya wo Mokgethwa; maswao le matete a latela kereke. Go kaakang bontši!

³⁰⁰ O rile, “Ge nkabe le tsebile Moshe, nkabe le tsebile letšatši la Ka.” Haleluya! Go bjalo le lehono, Morena. Ba bona mehuta yohle ya maswao, ya dintwa le mathata, le se sengwe le se sengwe. A nke ba phetlele morago matlakala a Beibele ya kgale ya go ratega, le go bona moo kota ya maele e lego. Re bofelong bja lebaka.

³⁰¹ O Modimo, sepediša Moya wa Gago godimo ga batho ba. Gomme ge ba tloga go tšwa mo, bošegong bjo, a nke Moya wo Mokgethwa o sepele le bona.

³⁰² Gomme gosasa bošego, Morena, ge re etla tlase go pitšo ye kgolo ye ya aletara re lokišetšago go e fa, re a rapela gore dialetara di tla be di kgobokane go tlala, dikamora tša thapelo di tla be di tletše.

³⁰³ Gomme a nke, Lamorena mosong, Morena, le Lamorena bošego, re be re kolobetša batho mo go ya ka Lentšu la Modimo. Gomme a nke Moya wo Mokgethwa o wele godimo ga meetse ao, le go dira maswao a magolo le matete. E fe, Tate.

³⁰⁴ Šegofatša modiša wa rena morategi mo. Šegofatša maloko. Šegofatša basetsebje ka kgorong ya rena. A nke re ye gae

bošegong bjo le go eleletša dilo tše ka pelong ya rena; re bowe morago gosasa bošego, re hlalala, re tliša le rena dišerefe. Re kgopela Leineng la Jesu Kriste. Amene.

³⁰⁵ Morena Jesu Kriste a šegofatše yo mongwe le yo mongwe wa lena. Šišinyang diatla tša yo motee go yo mongwe. Etlang morago gosasa bošego, tliša ka gare kgopelo ya gago le se o se nyakago, gomme o e bee godimo ga phuluphithi. A nke Modimo a dule a le tloditše, a be le lena! Amene. Modimo a le šegofatše. 

LESWAO LA MODIMO NST54-0514
(The Seal Of God)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano morago ga sekgalela, Mei 14, 1954, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org